

ILAY SANGAN'ASA VOATONDRO

An'ANDRIAMANITRA

 Misaotra anao, betsaka, rahalahy. Te-hilaza amiko i Billy fa izao no fotoako voalohany eto amin'ny polipitra, nandritry ny telo volana. Ary izy... Tsaroako ny fotoana voalohany izay nangatahako azy, hijoro vavolombelona, hoy izy hoe, "Ny zavatra voalohany, dia natahotra aho." Izaho, ihany koa. Teo amin'ny dimy amby telopolo taona tao amin'ny asam-panompoana, ary izao no ela indrindra izay nialako lavitra ny polipitra hatramin'ny naha-tao amin'ny asam-panompoana ahy. Nila fialan-tsasatra kely aho, noho izany izaho sy Rahalahy Mosley, ary ny sasany tamin'ireo rahalahy eto, dia tany amin'ny dia fihazana kely iray. Ary niala sasatra izahay ankehitriny. Ary izao no favoriako voalohany hatramin'izaho... teo amin'ny voalohan'ny Septambra. Ary izany dia zavatra iray... ny asam-panompoana iray dia zavatra iray somary tsy maintsy hijanonanareo.

² Ary ankehitriny dia nangataka tamin'izy ireo aho mba hamono an'io fampandehanan-drivatra io, na hijery raha afaka hamono azy izy ireo, satria fantatro fa sarotra ny mandre. Ary sarotra ilay izy, fantattro, rehefa manome ny fijoroany vavolombelona ny olona. Efa sarotra ho ahy ny nandre azy ireo. Afaka mandre tsara mihitsy ve ianareo ankehitriny? Tsara. Fantattro fa somary hitsangana manakaiky an'ity fanamafisam-peo ity aho mandra-panamboatran'izy ireo an'izany.

³ Ity tokoa dia to—tombontsoa lehibe ho ahy, ary izaho—mankasitraka tokoa an'ilay filoha aho, sy ny favorian'ny Full Gospel Business Men eto Yuma, ary an'ireo mpitoriteny rehetra. Ireo mphihira mahafinaritra eto, izay teto fotoana vitsy lasa izay, tiako ny handre azy ireo ao amin'ny—ao amin'ny favoriana. Tena tsara marina tokoa izany. Izaho—nanontany fotsiny aho, rehefa nihira izy ireo, raha nahita ahy i Jaona. Ary manantena aho fa nahita izy. Ary, noho izany, reko fa ao amin'ny fifohazana iray ianareo eto. Ny Tompo hitahy anareo betsaka, rahalahy sy anabavy, raha mikarakara ianareo. Ary ho an'ireo sakaizako rehetra any Phoenix sy ireo toerana samihafa, izany dia... ary avy any California any.

⁴ Ary te-hilaza teny iray mikasika an'ireo favoriana fotsiny aho. Rehefa nandeha nankany amin'ireo vahoaka Pentekotista aho, izaho dia... nanana fahatsapana pentekotista iray, tsy nahafantatra fa nisy fiangonana Pentekotista iray teo. Misionera Batista iray aho tamin'izany. Efa nandray ny batisan'ny Fanahy

Masina aho, ary hitako fa nisy olona vitsivitsy izay nino an'ilay zavatra iray ihany izay noraisiko. Ary nandray an'izany efapolo taona talohan'ny nandraisako azy izy ireo. Noho izany dia izaho no anankiray fotsiny, araka ny nolazain'i Paoly, mino aho, tsy hoe manandrana milaza miaraka aminy, fa karazan'ny "anankiray teraka ivelan'ny vanim-potoana." Fa ny...Ireo rahalahiko dia toa nihevitra fa lasa aho, karazan'ny tany amin'ny farany lalina, araka ny iantsoantsika azy. Fa izaho-fantattro fa naharay zavatra aho. Noho izany, ny fahatsapako dia tahaka an'izay nananan'izy ireo tany fotsiny. Ary tahaka an'izany no itiavako azy.

⁵ Ary, fa rehefa tonga teo anivon'izy ireo aho, ilay-ilay ampahany mahavaky fo mikasika an'izany, dia hitako fa saiky nisaraka fotsiny izy ireo, tao anatin'ireo anaram-piangonana samihafa, tahaka ny fiangonako Batista. Ary izy ireo...Nihevitra aho fa anankiray ihany no nantsoina hoe Pentekosta, ary io izany. Saingy, tonga mba hahita, fa nisy anaram-piangonana maro samihafa tamin'izy ireo. Noho izany, izaho...nahafinaritra daholo izy ireo. Fantattro fa ny sasany amin'ireo lehilahy mahafinaritra indrindra izay hany nihaonako, teo amin'ny fiainako, dia tao amin'ireo vondrona ireo. Ary izy ireo dia—izy ireo dia, mazava ho azy, anaram-piangonana samihafa. Ary ny—ny eritreritro dia tokony ho iray fo isika, miaraka amin'i Kristy, ary tsy nikambana tamin'ny anaram-piangonana anankiray tamin'izy ireo mihitsy aho. Nijanona fotsiny teo anelanelan'izy ireo aho, ary niezaka ny hihazona an'ireo tànana roa, ary ny tànana rehetra, ka nanao hoe, "Mpirahalahy isika." Isika tsy...Mety mahita zavatra kely samihafa amin'ny anankiray isika, avy amin'ilay hafa. Saingy, ankoatr'izany rehetra izany, dia mbola mpirahalahy foana isika, satria naterak'ilay Fanahy iray ihany. Fianakavian'Andriamanitra isika.

⁶ Noho izany rehefa ireo mpandraharaha Kristiana, ny Full Gospel Business Men, ity favoriana ity, efa teo anivon'ireo favoriana voalohany aho niaraka tamin-dRahalahy Shakarian. Efa fantattro izy talohan'ny nisian'ilay rafi-pandaminana, na nitsanganan'ilay fikambanana. Nihevitra aho fa zavatra iray lehibe izany. Ary efa varavarana iray misokatra ho ahy izany, manao dia iraisam-pirenena miaraka amin'ity Full Gospel Business Men ity.

⁷ Fa, matetika, dia mahita vondrona mpitoriteny iray ianareo, indraindray, manana fihetseham-po kely iray manohitra an'ilay vondrona hafa izy ireo, satria nisy olona anankiray nilaza zavatra iray. Tsy hatraiza hatraiza izany, fa hitanay any amin'ny faritra izany. Ary ohatra, raha hanohana an'izany ny fiangonana iray, dia tsy hisy na inona na inona hidiran'ilay iray hafa amin'izany.

⁸ Fa miaraka amin'ny Full Gospel Business Men, dia efa varavarana iray misokatra ho ahy izany. Rehefa tonga izy ireo, amin'izay fotoana izay dia manangona an'ireo rahalahiko rehetra miaraka aho, ary izahay—afaka mikambana izahay; angamba pasitera roa no mety nanana fihetseham-po iray, na zavatra iray. Efa varavarana lehibe iray misokatra ity, ary efa nanao dia iraisam-pirenena ho azy ireo aho ankehitriny nandritry ny taona maro, miresaka ao amin'ny favorian'izy ireo.

⁹ Ary izaho... Yuma dia tsy tanàna tena goavana iray, na izany aza dia neveriko fa goavana kokoa noho ilay anankiray izay nihaviako izy, Jeffersonville, Indiana. Fa nihaona tamin'ny filohanareo aho teto. Ilay...izy dia...ary ireo olona samihafa avy amin'ny favorianareo. Ary neveriko fa manana fanararaotra iray mahafinaritra ianareo eto.

¹⁰ Nieritreritra fotsiny aho, izao hariva izao, raha niperakta teto aho ka njery ny olona. Fantatrareo, hahavery an'izao tombontsoa izao tsy ho ela isika. Hitelina antsika tsy ho ela ilay Fivoriamben'ireo Fiagonana Maneran-tany. Ary manombatombana aho fa ny ankamaroan'ny mpanatriko izao hariva izao dia avy amin'ny Pentekotista, sy Batista, sy-sy Fiagonan'Andriamanitra, ary ireo izay any ivelan'io Fivoriamben'ireo Fiagonana Maneran-tany io. Ary—ary izy ireo, izany fotsiny no nolalaovin'izy ireo, ary izany no nolazain'ny Baiboly fa hataon'izy ireo. Ary nampitandremana ny amin'izany isika, noho izany dia ndao isika hiala amin'izany. Ary noho izany tahaka ny noresahana izao hariva izao, tao amin'ilay hira, mikasika ny fahakaikezan'ny Fihavian'ny Tompo, dia mety akaiky kokoa noho izay iheverantsika azy izany.

¹¹ Ary neveriko ilay izy fa rehefa afaka miara-mivory amin'izao karazana fiombonana izao isika, dia manao zavatra ho antsika izany, mitarika antsika hifanakaiky kokoa izany. Ary rehefa mifanakaiky kokoa isika, dia lasa akaiky kokoa an'Andriamanitra, satria hoy Jesosy hoe, "Arak'izay nataonareo tamin'ny kely indrindra amin'ireo Madiniko, no nataonareo Tamiko."

¹² Manana zazalahy kely iray aho ato any ho any, neveriko, Joseph. Manana an'i Billy aho mipetraka eto. Zanakavavy roa mipetraka ery aoriana ery, ary vady iray. Ankehitriny raha nisy olona iray nanana zavatra izay...tena tianareo natao tsara mihitsy, dia aleoko aza hataonareo amin'ireo zanako izany toy izay atao amiko ilay izy. Ary noho izany dia tsapako, amin'ny maha-raiamandreny iray, ary Izy no loharanon'ny maha-raiamandreny, dia neveriko fa tahaka an'izany no tsapan'Andriamanitra. Isika raha tokony... Manompo Azy tahaka ny hifanompoantsika isika. Tahaka an'izany no anompoantsika an'Andriamanitra.

¹³ Ary mahafantatra an'izao ho ny fahamarinana, noho izany dia heveriko isaky ny tanteraka izao favoriana izao, satria izy mijoro ho ara-pilazantsara mifangaro... Tsy misy fotopampianarana anankiray izay tohanan'ny Full Gospel Business Men marina tokoa. Manohana ny Filazantsara feno fotsiny izy ireo. Ary raha mahita hafa ny olona iray, dia mety tsara tanteraka tokoa izany. Mety tsara izany. Manana fiombonana isika, na ahoana na ahoana. Noho izany dia heveriko fa ilay izy dia ho ny... Raha nipetraka teto amin'ity tanàna ity aho, dia mino aho, fa rehefa notanterahina izao favoriana izao, raha nisy azo atao mihitsy, dia ho eo aho ary haka ny olona rehetra izay azoko alaina eo. Marina izany, satria izany dia—izany dia zavatra iray izay manantanjaka antsika miaraka.

¹⁴ Mipetraka any Tucson aho, ary miresaka tsy ankitsahatra ao amin'izao favoriana izao, isan'andro. Ary any Phoenix, hatramin'ny nifindrako tany Arizona, dia any Phoenix aho isaky ny manana anjara iray hialana sy handehanana any—any Phoenix, satria... ary miezaka mitondra olona iray miaraka amiko, manasa olona iray, mitondra mpitoriteny hafa.

Ary manao hoe, “Eny, eny, hitanao, Rahalahy Branham, izahay tsy.”

¹⁵ Hoy aho hoe, “Tsy mampaninona izay ianareo... Ndaototsiny handeha hiaraka amiko. Mandehana toy ny—ny sakaiza iray, miaraka amiko.”

¹⁶ Ary mitondra kely azy ireo fotsiny eo. Izay ihany no tokony hataonareo. Ary hitan'izy ireo, fa ny fon'ny olona tsirairay dia noana fiombonana. Ary tahaka an'izany no tokony hataantsika. Famantarana lehibe an'ny andro farany izany. Andriamanitra anie hitahy an'ity favoriana ity. Enga anie izy—enga anie izy hisy mandra-pihavian'ny Tompo Jesosy handray antsika any amin'ny Voninahitra, izany no fivavako.

¹⁷ Ankehitriny, tsaroako ny diako voalohany taty Yuma. Tao anatin'ny Ford Model-T iray aho izay afaka nahavita telopoloo maily isan'ora. Nieritreritra aho raha namily fiara androany. Mbola mahatoky amin'ilay Ford foana; mbola manana anankiray foana aho, ary tsy manana hafa afa-tsye izany. Fa izaho... Ankehitriny, tsy mivarotra Fords aho. Ankehitriny, tsy dokambarotra iray izany. Hitanareo? Fa tsaroako hoe ahoana fa io Ford io... Maro aminareo rahalahy saiky amin'ny taonako no mahatsiaro an'ilay Model T tranainity. Izany dia tamin'ny 1927. Tsy maintsy njery tsara mihitsy ianareo fa raha tsy izany dia tsy hahita an'i Yuma ianareo rehefa mandalo. Tena kely izy, ary nitombo tokoa ianareo. Fa, ny fomba izay nanaovako telopoloo maily isan'ora tamin'ny Ford-ko, izany dia nandeha dimy ambin'ny folo maily isan'ora tamin'ity lâlana ity, dimy ambin'ny tamin'ity lâlana ity. Noho izany, akambano miaraka

izany, nanao telopolo maily isan'ora aho, niaraka tamin'ireo fidondonako rehetra sy ny sisa. Nitombo i Yuma.

¹⁸ Ity Fianganana be voninahitra ity, izay, isika dia—miady ho an'ity Finoana mahafinaritra ity isika.

¹⁹ Misaotra anareo, rahalahy, na iza na iza no nanao an'izany.

²⁰ Izy dia nitombo, ihany koa, ary mankasitraka isika ny amin'izany. Ny Tompo hitahy anareo rehetra.

²¹ Manantena isika, raha any amin'ny manodidina ianareo, akaiky, ny iray amin'ireto favoriana ireto... Izaho manana ny-ny favoriana any Phoenix, mba hiresaka, amin'ny Alahady heriny. Ary ny Alahady manaraka any Flagstaff. Ary ny Alatsinainy manaraka, ny faha-iraika amby roapolو, dia ny fanasana iray any Tucson. Asaina ianareo rehetra.

²² Ary, raha sitraky ny Tompo, dia te-hiresaka ao amin'ny efitra fandihizan'ny Westward Ho Hotel aho, mino aho. Hariva inona no manomboka izany? [Hoy ny olona iray hoe, "Alahady tolakandro izany, ny fahafito ambin'ny folo."—Mpand.] Alahady tolakandro, ny fahafito ambin'ny folo, favoriana arapilazantsara kely iray fotsiny. Manantena aho fa eo amin'ny manodidina ireto mpihira ireto, akaiky amin'io fotoana io, mba hanampy anay. Ary ho any izahay arak'izany hatramin'ny Alarobia. Heveriko fa Alahady tolakandro ilay izy. Ary ataonay izany satria tsy hanapaka ny iray amin'ireo fandaharan'ny fianganana izahay. Avy eo, ny Alatsinainy sy Talata, ary avy eo ny Alarobia izahay dia any amin'ny Ra... any West... ny Ramada Inn, Ramada Inn. Ary avy eo ny Alakamisy izahay dia hanomboka ao amin'ny Westward Ho. Izany ve ilay izy?

²³ [Hoy ny rahalahy iray hoe, "Westward Ho, Alahady, Alatsinainy, Talata. Avy eo isika dia mandeha mankany amin'ny Ramada Inn, ny Alarobia, ary mijanona any isika hatramin'ilay favoriana."—Mpand.] Ny favoriana dia mifarana, ao amin'ny Ramada Inn. Noho izany dia ho faly izahay ny hanana anareo amin'ny fotoana rehetra.

²⁴ Ankehitriny, alohan'ny hamadihantsika an'ity Boky ity, dia ndao isika hanondrika ny lohantsika vetivety ka hiresaka amin'ilay Mpanoratra.

²⁵ Ankehitriny, miaraka amin'ny lohantsika miondrika mankany amin'ny vovoka izay nakan'Andriamanitra antsika, ary, raha maharitra Jesosy, dia hiverina tahaka an'izany indray isika indray andro any. Hatramin'izay na ha-teto ahy mihitsy, dia nahazo hafatra iray aho avy any atsinanana, hoe ramatoa kely iray izay fantatro... Izy dia ilay zazavavy kely antsoina hoe Edith Wright. Lasa mba hihaona amin'Andriamanitra, tamin'ity tolakandro ity, tamin'ny telo ora. Tsy maintsy hiverina izahay. Raha misy eto izay te-ho tsarovana ao amin'ny vavaka, dia hanangana ny t  nanareo amin'Andriamanitra fotsiny ve ianareo. Andriamanitra hitahy anareo.

²⁶ Ray any An-danitra, satria tena mankasitraka an'ity fiombonana mahafinaritra ity izahay, ny fihirana, oh, toy ny ahoana no nampientanan'izany ny foko rehefa nandre an'io hira io aho hoe, *Nahita Ahy Ve I Jaona?* Ray, matoky aho fa ho any izahay rehetra, ny tsirairay avy aminay. Ary miondrika mankany amin'ny vovoka izahay ankehitriny, ka izahay—mivavaka izahay mba Handraisanao ny—ny fisaoaranay, sy ny fibebahanay, ary ny fifampivavahanay.

²⁷ Ary ankehitriny dia mamadika ao amin'Ny Teninao izahay, ilay ampahany masina amin'ny favoriana izay toa masina kokoa noho ny—noho ny sisa, satria fantatray amin'izao fotoana izao fa mikarakara ny olona izahay, mba hitarika azy ireo hankeo amin'ny Fahamarinana iray, hankeo amin'i Kristy sy ny Teny, izay Kristy. Ary mivavaka izahay mba Hanokafanao ny Teny ho anay. Izahay—tsy ampy izahay, Tompo, fa Ianao no ampy tanteraka. Noho izany dia mivavaka aho mba Hitahianao an'ireo ezakay malemy, ka enga anie izahay izao hariva izao hahita ny tenanay sy ny toeranay ao amin'ny Tenin'Andriamanitra. Ekeo izany, Ray. Ary hatolotray Anao ny dera, fa mangataka an'izany amin'ny Anaran'i Jesosy izahay. Amena.

²⁸ Ankehitriny, tena tsara ny tonga eto. Manana naoty vitsivitsy aho eto izay noheveriko fa hitodihako, mandritry ny minitra vitsy, satria tsy mihevitra aho fa avela hihazona an'ity efitra ity ela be isika amin'ny hariva. Ary izaho dia somary, ihany koa, eo anivon'ny vahoaka Pentekotista, somary miadana aho, fantatrareo.

²⁹ Tsaroako. Efa niteny taminareo aho, angamba. Rehefa nahita mpitoriteny iray Pentekotista voalohany aho, izany dia Rev. Robert Daugherty avy any St. Louis. Misalasala aho raha nahafantatra azy ny iray aminareo. Efa nahita an'ilay fijoroana vavolombelona mikasika ny zananivavy kely ianareo tao amin'ilay boky. Izy dia—izy dia... Sitrana tamin'ny dihin'i St. Vitus izy, ary nilaozana izy. Ary tahaka an'izany no nihaonako voalohany tamin'ny vahoaka Pentekotista.

³⁰ Ary, izany, nandeha aho mba hihaino azy nitory teny, ka—ka, oadray, izy—afaka nitory teny izy. Izy dia... Tsy nanantena na inona na inona akory aza izy. Ary nitory teny izy mandrapahatonga azy tsy nanana fofon'aina mihitsy, ary lasa mangana izy teo amin'ny tarehy, ary niara-niady ny lohaliny, ka saiky nidona tamin'ny gorodona izy. Dia naka ny fofon'ainy izy, afaka nandre azy ianareo tany amin'ny faran'ilay tanàna tany, saiky, niverina nitory teny indray. Dia nieritreritra aho hoe, "Oadray, izaho—tsy afaka hieritreritra haingana tahaka an'izany mihitsy aho."

³¹ Tsy maintsy somary maka ny fotoako fotsiny aho. Somary miadana aho, ary miha-antitra, ihany koa, fantatrareo,

mandady, noho izany dia manantena aho fa handefitra amiko mandritry ny minitra vitsy ianareo.

³² Misy zavatra anankiray azo antoka, izay fantatro fa tsy ho diso, ary izany dia Ny Teniny. "Ny lanitra sy ny tany ho levona, fa Ny Teniny tsy ho levona mihitsy." Noho izany dia ndao isika hamadika ankehitriny, raha manana ny Baibolinareo ianareo, ary tiako ny hamaky avy ao amin'Izany, ao amin'ny Bokin'ny Isaia, ny toko faha-53-n'ny Isaia. Tiako ny hamaky an'ity mba hanorenana fotsiny, hahazoana lahateny iray hanorenana fotokevitra iray, vetivety.

Iza no nino ny teny nampitondraina anay? . . . iza no nanambarana ny sandrin'ny TOMPO?

Fa naniry teo anatrehany tahaka ny voly malemy iray izy, ary tahaka ny faka iray ao amin'ny tany karakaina: izy dia tsy nanana endrika na fahatsaran-tarehy; ary rehefa hijery azy isika, dia tsy misy hatsaran-tarehy haniriantsika azy.

Izy dia natao tsinontsinona sy nolavin'ny olona; lehilahin'ny alahelo, . . . zatra fahorianana: ary isika dia niafina ka nampiala ny tavantsika taminy; natao tsinontsinona izy, ary tsy nahoantsika izy.

Izy dia nitondra ny fahoriantsika tokoa, ary nivesatra ny alahelontsika: kanefa isika dia nanao azy ho nasiana, nokapohin'Andriamanitra, ary nampahorianana.

Fa izy dia voalefona nohon'ny fahadisoantsika, izy dia notorotoroina nohon'ny helotsika: ny famaizana ho an'ny fiadanantsika dia teo aminy; . . . tamin'ireo dian-kapony no nahasitranana antsika.

Isika rehetra dia efa tahaka ny ondry nania; samy efa nivily ho amin'ny lalantsika manokana isika; ary ny TOMPO . . . nametraka teo aminy ny helotsika rehetra.

Nampijaliana izy, ary nampahorianana izy, kanefa tsy nanokatra ny vavany: izy dia nentina tahaka ny zanak'ondry nankany amin'ny mpamono, ary tahaka ny ondry teo anatrehan'ny mpanety azy izay moana, . . . izy tsy nanokatra ny vavany.

Nalaina niala tao amin'ny fonja sy tao amin'ny fitsarana izy: ary iza no hanambara izay ho taranany? fa nesorina niala tamin'ny tanin'ny velona izy: ary fa . . . ny fahadisoan'ny oloko no nikapohana azy.

Ary nanao ny fasany tao amin'ny ratsy fanahy izy, nefo teo amin'ny mpanan-karena tamin'ny fahafatesany; satria izy dia tsy nanao herisetra, sady tsy nisy fitaka teo am-bavany.

Kanefa sitraky ny TOMPO ny hanorotoro azy; izy no nanao azy tao amin'ny fampahorianana: rehefa nanao

ny fanatiny ho fanatitra ho an'ny fahotana ianao, dia hahita ny taranany izy, ary hanalava ny androny, ary ny sitrapon'ny TOMPO dia hambinina eo an-tanany.

Izy dia—Izy dia hahita ny fisasaran'ny fanahiny, ka ho afa-po: amin'ny fahalalany no hanamarinan'ny mpanompoko marina ny maro; fa izy dia hivesatra ny helony.

Noho izany dia hizara aminy anjara iray amin'ny lehibe aho, ary izy hizara babo amin'ny mahery; satria izy... nararany ho amin'ny fahafatesana ny ainy: ary nisaina niaraka tamin'ny mpanao meloka izy; ary izy no nitondra ny fahotan'ny maro, sady nanao fanelanelanana ho an'ny mpanao meloka.

³³ Tiako fotsiny ny hilaza an'ity, ho an'ny lahateny kely iray fotsiny. Tiako ny haka lahateny iray avy eo, hoe: *Ilay Sangan'asa Voatondro An'Andriamanitra.*

³⁴ Ankehitriny, ity dia ho tena la—la—lahateny iray ho vakiana, mba hisintonana sangan'asa iray. Fa rehefa mijery azy isika, arak'izay heverintsika, izany dia ho ny zavatra rehetra afa-tsysty sangan'asa iray, satria izao no voalaza hoe, “Nanafina ny tavantsika Taminy isika, ary tsy nisy hatsarantarehy haniriantsika Azy.” Ary matetika, izay antsointsika hoe sangan'asa iray, dia tsy nisy nidiran'Andriamanitra tamin'izany. Satria, ny fahendren'olona dia fahadalana amin'Andriamanitra, fa ny fahadalanan'Andriamanitra dia hendry lavitra noho ny fahendren'olona rehetra.

³⁵ Ary mahita isika ato, fa nanome antsika sarin-javatra iray Andriamanitra. Tiako ny hanandrana hitondra an'io sary io eto anatrehantsika, satria fantstro fa mety ho izao no fotoana farany izay hany hihaonan'ny sasany amintsika miaraka. Mety tsy hifankahita tahaka antsika ankehitriny intsony indray isika. Noho izany, raha niangona ho an'izany tanjona izany isika, tsy ny ho hita na ho re...

³⁶ Fa nanana ny fifampiombonantsika isika raha nandroso an'ity sakafio mahafinaritra ity izao hariva izao, eo amin'ny latabatra, raha namahana ny tenantsika ara-batana isika, ary ankehitriny dia tantsika Andriamanitra hamahana ny fanahintsika amin'Ny Manany izay miafina. Ireo mpisorona izay niditra tao amin'ny Masina indrindra an'ny masina irery ihany no navela nihinana Ny Sakafony.

³⁷ Ary raha nahamarika ianareo, izao hariva izao, ny—ny hena endasintsika, tsy mino aho fa izaho dia efa mba nanana fa-fanasana iray, tany amin'ny toerana rehetra izay nanaovako fivoriana, mitovy amin'izao hariva izao, izay nahazoako hena endasina tsara iray tahaka ny aroson'izy ireo izao hariva izao. Ankehitriny, hitanareo, satria dia tsy maintsy nanana an'ity isika; raha velona isika, dia nisy zavatra izay tsy maintsy maty

mba ahafahantsika hankasitraka an'ity fotoan'ny fiombonana ity, ary hamelona ny aintsika ihany koa.

³⁸ Niresaka tamin'ny lehilahy iray izay tsy mpihinan-kena aho, vao tsy ela akory izay, ary hoy izy tamiko hoe, "Eny, izaho—tsy mifanaraka aminao aho." Eny, izy—somary nanome taratasy iray ho ahy izy, nila ny hihaona tamiko manokana. Dia hoy izy hoe, "Rahalahy Branham, mihevitra anao ho lehilahy masina iray foana aho." Hoy izy hoe, "Fa rehefa nandre anao aho nilaza fa naka fen-kisoa sy atody ho sakaf maraina ianao," hoy izy, "izany—nandavo ahy izany."

³⁹ Eny, izany, tsy te-hamestraka vato manafintohina eo amin'ny lalany aho. Ankehitriny, izany no fomba inoany. Fa hoy aho hoe, "Eny, tomopoko, raha tsy mihinana aho, dia tsy velona."

⁴⁰ Hoy izy hoe, "Fa, hitanao, tokony nihinana kisoa ianao, ary—ary namono akoho iray."

⁴¹ Hoy aho hoe, "Tompoko, velona amin'ny zavatra maty fotsiny ihany isika. Tsy ahoako izay haninao. Mihinana zavamaniry ianao. Mihinana ianao. Mihinana mofo ianao, maty ny vary. Raha mihinana katsaka ianao, dia maty ny katsaka. Raha mihinana tsaramaso ianao, dia maty ny tsaramaso."

⁴² Na inona na inona haninareo, afaka velona ara-batana fotsiny ihany ianareo satria nisy zavatra iray maty mba ahafahanareo ho velona. Ankehitriny, na inona na inona ataonareo, na dia misotro ronono aza, ilay mikraoba, na inona na inona, dia tsy maintsy mivelona amin'ny zavatra maty ianareo. Ary izany dia manaporofo fotsiny ihany, hoe raha tsy maintsy ho velona amin'ity fainana ara-boajanahary ity isika, ka afaka hanao an'izany fotsiny ihany amin'ny alàlan'ny zavatra maty, dia nisy zavatra iray tsy maintsy maty mba ahafahantsika ho velona Mandrakizay. Izany dia Jesosy Kristy, izay nomen'Andriamanitra antsika ho vidim-panavotana iray.

⁴³ Ary ankehitriny, rehefa nihaona voalohany tamin'ny vahoaka Pentekotista aho, izaho—nandeha nankany California aho, ilay fanjakana mifanakaiky eto, eo ampitan'ilay renirano. Ary tany Los Angeles aho. Tsy velona mihitsy aho tamin'ny andron'io ramatoa mpitoriteny malaza io, Rtoa. Semple... Aimee Semple McPherson. Afaka nihaona tamin'ny zananilahy aho, Rolf, lehilahy mihaja Kristiana mahafinaritra iray, sy—sy ny vadiny ary ny fianakaviany. Vahoaka maha-te-ho tia tokoa izy ireo, ary Dr. Teeford sy maro amin'ilay mambra ao amin'ny Angelus Temple. Ary nitory ny Jobilin'ny Pentekotista aho, Jobilin'ny dimampolo taona tany, taona vitsy lasa izay, ary nanana fotoana iray nahafinaritra tokoa.

⁴⁴ Noho izany amin'ny fanajana an'io vehivavy io izay naneho ohatra iray araka ny nataony, tamin'ny fiezahana ny tsarany indrindra, sy mba—mba hampiseho an'izay tao am-pony, dia nanome voninahitra azy aho nandeha nankany amin'ny fasany

tany Forest Lawn. Ary raha nitsangana teo aho niaraka tamin'ny satroko niala, ka—ka nanondrika ny lohako ary nanome saotra ho an'Andriamanitra nohon'ny fiainana mendrika iray an'ity mpanompovavy kely ity, dia nanontanian'ilay ekipa izay niarahako aho tamin'izay, vondrona mpitoriteny iray, raha hanao dia iray aho manerana ny... manerana ny Forest Lawn rehetra. Ary tao anatin'ilay tranom-paty tany, na inona na inona iantsoanareo azy, dia njery an'ireo endrika samihafa aho, ka nahita ny Sakafo harivan'ny Tompo, ary nijanona. Ary maro aminareo no efa nahamarika an'izany, rehefa nandrehitra an'ireo jiro teo ambonin'izany izy ireo, ilay Sakafo hariva Farany, ary nandre ny tantaran'izany.

⁴⁵ Fa ny anankiray tamin'ireo zavatra niavakaindrindra izay hitako tany, dia rehefa miditra amin'ilay varavarana ianareo, mino aho fa teo amin'ny ilany atsinanana ilay izy. Nisy ny—ny tsangambaton'i Mosesy nipetraka teo, izany no satroboninahipiainan'ny asan'i Michelangelo, mino aho fa izay ilay izy, ilay mpanao sokitra izay... Mety diso aho amin'ilay olona, mino aho fa marina izany, Michelangelo, izay—izay... ilay mpanao sokitra malaza izay namolavola an'izany, na, sary iray an'i Mosesy. Ary raha nanazava an'izany izy, ilay—ilay mpitari-dàlana izay nitarika anay, dia nilaza izy fa io no iray amin'ny sangan'asa lehibe indrindra izay hany namboarin'i Michelangelo. Ary nolazainy fa naka betsaka tamin'ny fiainany izany, asa mafy.

⁴⁶ Avy eo dia voamariko, mino aho fa izay ilay izy, teo amin'ny lohalika ankavanana. Toy ny hoe tanteraka ilay tsangambato, malamalama, ary Mosesy niaraka tamin'ilay latabatry ny lalàna teny an-tànanay, ary ny volombavany lava. Ary izany dia, mazava ho azy, ny fiheverana ara-tsain'i Michelangelo, hoe tokony ho toy ny inona i Mosesy. Tsy mbola nahita sary iray mihitsy angamba izy, fa, tao an-tsainy manokana, dia nanao sary an'izay noheveriny izy hoe tokony ho toy ny inona i Mosesy.

⁴⁷ Ary milaza ny tantara, fa vantany vao vitany ilay—ilay tsangambato, voakosoka ny rehetra ary tanteraka tokoa, dia nihemotra izy mba hijery ny asany. Ary rehefa tena voatsindrimandry izy, hany ilay izy ka nitovy betsaka... Izay nananany tao an-tsainy, dia vitany tamin'ny tònany. Tena nitovy betsaka ilay izy, ary ireo taona rehetra izay efa niandrasany an'izany, hany ka tena voatariky ny tsindrimandry izy, nokapohiny teo amin'ny lohalika ilay izy ka niantsoantso hoe, "Mitenena!" Ary misy toerana iray simba eo amin'ilay—ilay—ilay ranjo, lohalik'i Mosesy, izay nokapohin'i Michelangelo tamin'ny maritoany, satria tena voatsindrimandry izy.

⁴⁸ Hitanareo, nisy zavatra tao anatin' tao, tany amin'ny voalohany, ka nanao sary iray ara-tsaina an'izay noheveriny fa tokony hitovy amin'i Mosesy izy. Ary rehefa nahita an'izany nitaratra teo anoloany izy, ilay zavatra izay nananany tao an-tsainy mihitsy, izay noheveriny fa tokony hitovy amin'i Mosesy;

ary nitahiry an'io fahitana io niaraka taminy nandritr'ireo taona sy taona ireo, raha naka an'io ampahana granita lehibe io izy, ka nandrantsana ampahany iray teto ary ampahany iray tetsy, ka nanamarika an'izany, satria tsy maintsy tonga tanteraka tokoa izany. Ary rehefa tanteraka teo anoloany izany, izy—dia hitany ny taratr'izay tao an-tsainy. Izany no tena nanindry mandry azy, hikapoka an'ilay sary, ka miantsoantsa hoe, "Mitenena!" Voaloa ireo taonan'ny asa mafiny rehetra. Vita ny asa tànany lehibe.

⁴⁹ Ankehitriny dia hitantsika izany, ary izaho—lasa voatsindrimandrin'izany aho, satria nihevitra aho fa, marina tokoa, ilay marika teo amin'ny ranjo, no nanao azy, ho ahy, ilay sangan'asa. Satria, izao fotsiny, raha toe-tarehy iray hafa fotsiny ilay izy, na zavatra iray an'i Mosesy, karazana endrika iray izay nananan'ny lehilahy iray fiheverana. Fa, ilay lehilahy izay nanao ny asa, tena nahafa-po azy izany hany ka nokapohimy ilay izy. Ary ilay marika teo aminy no nanao azy ho sangan'asa ho ahy, satria nitaratra tanteraka tokoa an'izay tao an-tsainy fa tokony hitovy amin'i Mosesy izany.

⁵⁰ Oh, nitsangana teo aho. Tsy maintsy nanalavitra nandrity ny minitra vitsy aho, mba hieritreritra an'izay—an'izay tsy maintsy ho dikan'io ho azy, ary—ary izay dikan'izany amiko tamin'io fotoana io. Tamin'izay fotoana izay dia tonga tao an-tsaiko, ny amin'ity tiako resahana aminareo ity.

⁵¹ Ndao isika hamadika ny eritreritsika ankehitriny avy amin'i Michelangelo, mankany amin'ilay Mpanao sokitra lehibe, Andriamanitra Tsitoha, Izay, tany amin'ny voalohany, talohan'ny nisian'ny andro iray na andro mangiran-dratsy, talohan'ny nisian'ny atoma iray na molekiola iray, Andriamanitra, tao amin'ny Fisainany, dia nanana olona, olona iray izay tokony hitovy amin'ny inona, tokony ho inona izy, ary toy ny inona no tokony hihetsehana. Ary nila an'io olona io ho Ampahany Izy, "Noho izany dia nanao ny olona araka ny Endriny manokana Izy, ary tahaka an'Andriamanitra no Namoronany ny olona," oh, rehefa Andriamanitra, tany amin'ny voalohany, no nanao an'io sangan'asa io, dia nisy zavatra izay nampitaratra an'ireo Eritreriny.

⁵² Tsarovy, endrika Fiainana Mandrakizay tokana ihany no misy, ary ireo...na dia ireo anarantsika sy ireo eritreritsika aza dia tao amin'Andriamanitra talohan'ny nisian'ny fanorenana iray an'izao tontolo izao. Satria manana Fiainana Mandrakizay isika ankehitriny. Ary mba ho izany, dia tsy maintsy ampahan'Andriamanitra isika. Noho izany dia tsy maintsy tena tao anatin'ny Eritreriny isika, satria manana Fiainana Mandrakizay, ary efa voafidy mialoha ho amin'izany fiainana izany. "Ary ireo anarantsika dia efa napetraka teo amin'ny Bokin'ny Fiainan'ny Zanak'ondry talohan'ny fanorenana an'izao tontolo izao," araka ny Apokalypsy. Ankehitriny, fa Andriamanitra nanana antsika tao amin'ny Fisainany, noho

izany dia manana Fiainana Mandrakizay isika, satria niteny antsika Izy tamin'izany, ka tonga tamin'ny fisiana isika. Ary ny teny iray dia eritreritra iray voaseho fotsiny. Nanana antsika Andriamanitra, tany amin'ny voalohany, tao amin'ny Eritreriny.

⁵³ Ankehitriny, ary rehefa nanao an'i Adama Izy, ilay olona voalohany, dia tanteraka toy ny ahoana izany. Nitovy tamin'Andriamanitra izy. Andriamanitra, ilay Fanahy Masina lehibe, nanomba teo ambonin'ny tany, ary Izy...nivoaka ireo vorona, angamba, ary ireo biby, ireo zavatra samihafa, ary nitohy lasa bebe kokoa tamin'ny endrik'ilay Anankiray izay nanomba. Hany, farany, dia tonga ny karazana anankiray marina tokoa nitovy tamin'ilay Anankiray izay nanao an'ilay fanombàna, Andriamanitra. Andriamanitra dia, na, ny olona dia natao araka ny endrik'Andriamanitra. Avy eo, rehefa Napetrany tao amin'io saha lehibe io izy, tahaka ny nametrahan'i Michelangelo ny asan'ny fiainany lehibe, ary ireo mpanao sokitra malaza rehetra, dia nametraka ny Asan-tànany tao amin'ny sahan'i Edena Andriamanitra, nanao mpanampy iray ho azy. Inona ny—ny—fahafaham-po tanteraka iray toy ny inona izany ho an'Andriamanitra, hany ka nitsahatra mihitsy aza Izy. Tao amin'ny fitsaharana fotsiny izany. Efa vita ny Asany.

Tamin'izay fotoana izay no tonga ilay tantara mampalahelo, ilay fahavaloo.

⁵⁴ Mariho ankehitriny. Ity no zavatra anankiray izay tiako tazoninareo ao an-tsaina, hoe Andriamanitra dia nanome fiarovana iray ho an'io olona io. Izy nanome azy...Nanisy manda azy tao anatin'Ny Teniny Izy, satria niteny tamin'izy ireo Izy hoe inona no azon'izy ireo atao, inona no tsy azon'izy ireo atao.

⁵⁵ Ary izany ilay fototra iray ihany izay nametrahana antsika androany, inona no azontsika atao, inona no tsy azontsika atao. Tsy mampaninona na tsara toy ny ahoana aza isika, impiry no andehantsika any am-piangonana, na manao an'ity, tsy maintsy ateraka indray isika. Hitanareo? Tsy maintsy izany ilay izy.

⁵⁶ Ary niteny tamin'i Adama Andriamanitra hoe inona no azony atao ary inona no tsy azony atao. Nametraka azy tao ambadiky Ny Teniny Izy.

⁵⁷ Ary avy eo dia niditra ilay fahavaloo, tamin'ny alàlan'ny famitahana, ary nandadilady nanerana an'ireo rindrin'ny Tenin'Andriamanitra, satria nisokatra ho azy ilay varavarana, ary nosimbainy io sary io, tamin'ny fahotana. Izany no anankiray amin'ireo tantara mampalahelo indrindra.

⁵⁸ Ny mieritreritra, fa io olona io dia natao araka ny endrik'ilay Mpamorona azy, ary nomena rindrina iray itsanganana ao ambadika, hoe tsy mety diso mihitsy io Teny io. Izany no—izany no fanantenan'ny Kristiana. Izany no—no ampingangy. Izany no

fiadiany. Izany no vatolampiny amin'izao andro izao, dia, ny mijanona ao ambadiky ny Teny; ny mpino tsirairay.

⁵⁹ Ankehitriny, tsy tokony hiala avy ao ambadik'Izany mihitsy ianareo. Rehefa miala ianareo, ianareo, dia manokatra ny varavarana ho an'ilay fahavaloo, rehefa hoy izy ireo hoe, "Oh, eny, afaka manao kely amin'ity ianareo, ary kely amin'itsy." Mila anareo mampisaraka ny tenanareo amin'izay rehetra antsoina hoe fahotana Andriamanitra. Voapetraka mitokana manontolo ho Azy, ary ho Azy irery ihany.

⁶⁰ Manana tanjona iray ao amin'ny fiainanareo Izy, ny isambatan'olona tsirairay, mba tsy hisy anankiray hafa eto amin'ny tavan'ny tany afaka haka ny toeranareo. Manana zavatra ho anareo Andriamanitra. Natao tahaka an'izany ianareo. Natao tahaka an'izany ianareo ho an'ny tanjona iray. Masi-mandidy amin'ny Asany Andriamanitra. Izy aza... Ireo zavatra samihafa. Samihafa isika, ny iray amin'ny iray hafa.

⁶¹ Mahamarika isika ao amin'ny fiainan'ny biby. Mahita isika, ao amin'ny fiainan'ny biby, misy biby anankiray, nanao biby iray mpitondra entana Andriamanitra, toy ny soavaly, ary—ary tsy maintsy miasa izy. Ary ny ombivavy dia fanatitra iray. Ary, fa, ny—ny liona sy ny tigra dia mandehandeha any an'ala tsy misy asa mafy na inona na inona. Nanao biby goavana be iray toy ny elefanta Izy, ary avy eo dia nanao biby bitika kely iray toy ny totozy. Ankehitriny, iza no eo hiteny amin'Andriamanitra an'izay atao sy hoe ahoana no anaovana azy? Izy no manao an'izany amin'Ny fombany Manokana.

⁶² Ary manao an'ireo tendrombohitra Izy. Manao an'ireo tany efitra Izy. Izy no manao an'ireo—ireo ranomasina. Manao an'ireo lemaka Izy. Manao karazana hazo anankiray Izy, hazo mafy, palma, sy—sy ny sisa. Izy no manao an'izany.

⁶³ Manao olona samihafa Izy. Izy no manome antsika, ny tsirairay avy, toerana iray samihafa. Fa ny hazo palma iray dia tsy afaka ny ho hickory iray mihitsy. Ny hazo hickory iray dia tsy afaka ny ho palma iray mihitsy. Tsy misy olona afaka haka ny toeranareo, ary ianareo dia tsy tokony hanandrana haka ny toeran'olon-kafa. Satria, isam-batan'olona iray ianareo, amin'Andriamanitra, ary manana tanjona iray ho anareo Andriamanitra. Tahaka an'izany no Nanaovany anareo. Hoy ianareo hoe, "Nahoana Izy no nanao an'izany?" Masi-mandidy Izy. Manana antony iray Izy haha-tahaka an'izany an'ilay izy.

Fa hitantsika fa ambenan'ny Teny isika rehetra.

⁶⁴ Any an-danitra, dia mijery an'ireo vatan-danitra isika. Ny Baiboly no milaza fa ny kintana anankiray aza dia samihafa amin'ilay iray hafa. Misy an'i Sardes sy ireo samihafa. Ary Mars sy Jupiter, ireo samihafa rehetra ireo, samihafa izy ireo ny iray amin'ilay hafa. Ny masoandro dia samihafa amin'ny volana, ary

ny volana amin'ny kintana. Ary misy ireo Anjely, ohatra hoe, misy ireo Serafima sy Kerobima, ary ireo Anjely sy Anjely lehibe, amin'ny—amin'ny laharana. Ary na dia ao amin'ilay tany vaovao ho avy aza, ireo mpanjakan'ny tany dia mitondra ny voninahiny ao amin'ilay tanàna.

⁶⁵ Tsy maintsy ho tahaka an'izany foana isika. Satria, Andriamanitra dia tsy Sears and Roebuck Harmony House. Andriamanitra iray an'ny fahasamihafana Izzy. Manao anankiray amin'ny fomba iray Izzy, ary anankiray amin'ny iray hafa. Fa tsy maintsy manompo Azy amin'ny fomba izay nanaovan'Andriamanitra antsika isika, ary ho faly, ka hijanona ao ambadiky Ny Teniny. Ary tahaka an'izany no nanaovan'Andriamanitra azy.

⁶⁶ Fa rehefa hitantsika fa nitety an'izany Teny izany ilay fahavalo, teo amin'ity, ilay asan-tànan'Andriamanitra, dia nosimbainy izany. Ary izany marina tokoa no ataony ankehitriny. Mitsofoka mandalo amin'io asan-tànanana io izy, mitsofoka ilay fahavalo dia, miezaka hanao antsika ho Fivoriamben'ireo Fiagonana Maneran-tany iray. Ary ny olona dia... Nahoana, tsy afaka hifanaraka akory aza ny olona, ahoana no ahafahantsika hanao tany iray manontolo hifanaraka amin'ny olona iray? Ary vantany vao manao an'izany ianareo... .

⁶⁷ Manana Anankiray isika izay tsy maintsy hazonintsika ao amin'ny firindrana, izany dia Andriamanitra. "Ary tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra." Ary ny Teny dia mijanona ho Andriamanitra, ary ho Andriamanitra foana, satria Andriamanitra dia ao amin'ny Teny. "Ary ny Teny dia tonga nofo ka nonina teo anivotsika," tao amin'ny Tenan'ilay Zanak'Andriamanitra.

⁶⁸ Mahita isika ankehitriny, fa, rehefa avy nahita an'io fanimbàna lehibe io Izzy, toy ny hoe, efa izany izaho sy ianareo, ary nametraka an'io fotoana sy ezaka rehetra io isika, dia nodakantsika ilay zavatra ary navelantsika nandeha fotsiny, fa, tsy Andriamanitra, tsy Sitrany ny hamela ny Asany ho potika. Izany no fitiavan'Andriamanitra. Tsy mahagaga raha hoy ilay poetry hoe:

Raha hofenointsika ranomainty ny ranomasimbe,
 Ka lasa horonan-taratasy ireo lanitra;
 Ary ny taho rehetra eto an-tany ho penina,
 Ary ny olona rehetra ho mpanora-dalàna amin'ny
 asany;
 Hanoratra ny fitiavan'Andriamanitra any ambony
 Dia hanao ny ranomasimbe ho maina;
 Na tsy mety ho antonona ny manontolo ilay
 horonana,
 Na dia hitarina manerana ny lanitra aza.

⁶⁹ Hitanareo ny fitiavan'Andriamanitra! Rehefa avy lavo ny olona ka ninia nanokatra ny varavarana ho an'ilay fahavalo, ary niditra ka nanimba azy, ary nametraka fahafatesana tao anatiny, dia mbola tsy tian'Andriamanitra ho resy foana izany. Nidina Izy ary nanomboka tanteraka indray. Hanamboatra an'io olona io indray Izy.

⁷⁰ Nametraka fanekena iray teo amin'i Adama Izy hoe, “Ataovy ity, fa tsy ity; ity, fa tsy itsy; aza mikasika, aza mandray, aza manandrana.”

⁷¹ Saingy hitantsika, fa rehefa nanomboka Izy, Izy dia nanomboka tamin'i–tamin'i Abrahama. Ary tao amin'i Abrahama, dia nanomboka teo amin'ny fanekena tsy misy fepetra taminy Izy. Tsy hoe “raha sitrakao.” “Izaho dia. Efa Nataoko izany. Efa nitahy anao Aho, ianao sy ny taranakao, sy ny sisà, mandimby anao.” Fanekena tsy misy fepetra izany. Nanomboka tamin'i Abrahama Izy, ny Asany indray, ary ankehitriny dia miaraka amin'ny Fanekeny tsy misy fepetra. Noho izany, rehefa hitantsika, fa nifototra teo amin'i Abrahama Izy dia nanome azy an'ilay fanekena, tsy misy fepetra, niaraka tamin'ny teny fikasana.

⁷² Avy eo dia tonga tamin'ireo patriarka Izy, tonga eo amin'ny manaraka isika, ao amin'ny Testamenta Taloha, raha midina. Eto Izy dia mampiseho ny fototry ny Asany. Nanana an'i Abrahama isika ankehitriny, Isaka, Jakoba, Josefa; ireo patriarka efatra.

⁷³ Ankehitriny, Abrahama dia naneho ny asan'ny finoana, finoana, satria finoana iray i Abrahama. Nanana an'ilay finoana lehibe izy, satria, “Tsy niahahanhana tamin'ny teny fikasan'Andriamanitra izy, tamin'ny alàlan'ny tsi-finoana.” Nefa, hilaza isika hoe, “tsy nandeha ny rehetra,” ary nanohitira azy ny zavatra rehetra, dia mbola nifikitra tamin'Andriamanitra foana izy.

⁷⁴ Avy eo manana an'i Isaka isika, izay zanaka malala, izay naneho ny fitiavana, satria, Abrahama amin'ny mahatandindon'Andriamanitra, raha natolotra i Isaka, Genesisy 22, dia hitantsika fa nitondra ny hazo teny amin'ny havoana izy, ary ny zavatra rehetra dia manao sary an'i Kristy, nanao aloka mialoha Azy. Ary avy eo dia tonga ilay ondrilahy ka natolotra ho solony.

Ankehitriny izany dia ny finoana, fitiavana.

⁷⁵ Ary Jakoba, izay midika hoe “mpamingana,” ary mpamitaka iray izany. Ary mahafantatra isika fa ny fiainan'i Jakoba dia maneho marina tokoa ny fahasoavana, satria fahasoavan'Andriamanitra, foana, no niaraka tamin'i Jakoba.

⁷⁶ Avy eo dia tonga Josefa. Tsy nisy na inona na inona nanohitira an'i Josefa. Izy no ilay anankiray tanteraka. Mpaminanin'Andriamanitra izay tonga teo anivon'ireo rahalahiny. Ary nankahalaina, tsy nisy antony, ka namidy. Ary

amin'ny lafiny rehetra, dia nanao aloka mialoha ny fiainan'i Jesosy Kristy ny fiainany. "Tonga tany amin'ny Azy manokana, ny Azy manokana tsy nandray Azy." Raha nankahalain'ny rahalahiny i Josefa, natsipy tao an-davaka, natao ho maty; dia navoaka, nasandratra teo an-tànana ankavanana Farao. Ary rehefa niala teo amin'ny sezafiafiandrianana izy, dia nitsoka trompetra izy ireo, mahafantatra, fa ny lohalika rehetra dia tsy maintsy niondrika, ary tamin'i Josefa.

⁷⁷ Hitantsika fa Jesosy dia saiky namidy tamin'ny vidiny iray ihany tahaka an'i Josefa. Navoaka avy tao amin'ny—avy tao amin'ny lavaka; ka nakarina any An-danitra; mipetraka eo an-tànana ankavanana Andriamanitra. Ary rehefa avy eo amin'io Toerana io Izy dia, "Hitsoka ny trompetra, ka ny lohalika rehetra hiondrika, ary ny lela rehetra hiaiky Azy," fahatanterahana.

Izany dia finoana, fitiavana, fahasoavana, ary fahatanterahana.

⁷⁸ Avy eo dia tonga ilay asan'ny vatana, an'io mpanao sokitra lehibe io. Izy dia nanao ny asa vatana tamin'ny alàlan'ireo mpaminany. Ireo mpaminany no asa vatana.

⁷⁹ Avy eo farany dia tonga ny lohan'io vatana lehibe io, izay Kristy Izy tenany. Nilaza mialoha ny Amisy ireo mpaminany rehetra. Nilaza mialoha ny Amisy ny asa fototra rehetra. Hatrany amin'ny sahan'i Edena, hatramin'ilay tena fotoana izay Nanombobany, "Hampifandrafesiko ny taranakao sy ny taranaky ny menarana." Ary hitantsika fa teo Izy no nanomboka, ka nandalo an'ireo—ireo patriarka nankany amin'ireo mpaminany, ary nivoaka teo. Nahita ny Tarany manokana indray mandeha indray Izy, rehefa teraka teto an-tany ny lehilahy anankiray, avy tao an-kibon'ny vehivavy iray, izay Sangan'asan'Andriamanitra. Izany dia ny Zanak'Andriamanitra, Jesosy Kristy. Ny antony naha-izy Azy, dia satria ny Teny tanteraka tokoa Izy.

⁸⁰ "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika."

⁸¹ Ankehitriny hitantsika mitaratra ao Amisy ny sangan'asa tanteraka iray. Tena tanteraka Izy, tahaka an'Andriamanitra, hany Izy ka nilaza hoe, "Raha tsy manao ny asan'Ny Raiko Aho, dia aza mino Ahy. Na dia Izaho... Tsy mety mino Ahy ve ianareo? Minoa an'ireo asa, satria izy ireo no manambara aminareo, hoe Iza Aho." Tiako izany. Hitanareo? Hoy Izy hoe, "Raha tsy mino Ahy ianareo..."

Hoy izy ireo hoe, "Ianao dia Lehilahy iray, manao ny Tenanao hitovy amin'Andriamanitra."

⁸² Hoy Izy hoe, "Raha tsy mety mino Ahy ianareo, dia minoa an'ireo asa izay Ataoko. Ary raha tsy manao ny asan'Izay

naniraka Ahy Aho, amin'izay fotoana izay dia manana zò tsy hino Ahy ianareo."

⁸³ Noho izany ny Kristiana rehetra dia tokony, amin'izao andro izao, hanana an'ilay fijoroana vavolombelona iray ihany. Raha ao anatin'ity Tenin'Andriamanitra nampanantenaina ity, raha tsy mahafeno fepetra ka manatanteraka marina tokoa an'izay nolazain'ny Teny ny fiainantsika, amin'izay fotoana izay dia tsy manana zò hiantso ny tenantsika hoe Kristiana isika raha tsy nateraka indray. Hoy Jesosy, ao amin'ny Marka 16 hoe, "Izao famantarana izao *no* hanaraka an'ireo izay mino." Hitanareo? Tsy hoe "izy ireo dia mety; izy ireo dia tokony; izy ireo angamba hanao." Hanao an'izany izy ireo. Izany no nanaovan'ilay Mpanao sokitra antsika. Izany ilay Fiangonana izay nokapaina. Izany dia ilay—ilay Vatan'i Kristy izany.

⁸⁴ Ankehitriny hitantsika fa nampitaratra Azy tanteraka izany. Ilay Mpanao sokitra ankehitriny dia nanana ny Teny voataratra tao amin'ny Sangan'asa indray, nantsoina hoe Ny Zanany, Andriamanitra, Imanoela. Eritrereto fotsiny, hoe, olona iray no tena nanolo-tena hany ka nanondro ny Tenany tao Andriamanitra, tao anatin'io vatana io, ary Izy lasa... Izy sy Andriamanitra dia lasa iray. "Izaho sy Ny Raiko dia Iray. Ny Raiko mitoetra ato Amiko. Manao an'izay mahafaly ny Ray foana Aho."

⁸⁵ Ahoana moa raha afaka hanana fijoroana vavolombelona iray tahaka an'izany ny Kristiana amin'izao andro izao? Ho sangan'asa iray mihitsy ianareo eto Yuma, eny an-dàlambe. Raha vehivavy mpanasa lamba iray ianareo ao ambadiky ny fanasan-damba, dia mbola sangan'asa iray foana ianareo ho an'Andriamanitra, rehefa afaka milaza ianareo hoe, "Manao an'izay mahafaly an'Andriamanitra foana aho," ary izao tontolo rehetra izao dia afaka mahita an'ilay—ilay asan'i Jesosy Kristy mitaratra ao anatinareo.

⁸⁶ Voalaza, indray mandeha, ilay volamena trrainy, talohan'ny nananan'izy ireo an'ilay fandrendrehana. Ny... Nalain'izy ireo ilay volamena ary nokapohiny izany taloha, ilay mpikapoka dia, ireo Indiana tamin'ny andro fahiny rehefa tao amin'ny fahatanorany i Arizona. Nokapohin'izy ireo ny volamena mandra-pahitan'ilay mpikapoka ny tarany manokana tao amin'ilay volamena. Nokapohin'izy ireo ny taim-by rehetra, ny tain-drendrika, ny loto, hiala aminy, mandrapahatongan'ilay mpikapoka afaka mahita ny tarany manokana tahaka ny fitaratra iray, nikapoka.

⁸⁷ Ankehitriny, izany no ataon'ny Filazantsara. Maro loatra ny olona tsy tia avadika sy kapohina. Eny, ny ilain'ny fiangonana izao hariva izao dia fikapohana tsara iray, amin'ny fanao fahiny, fanalan'ny Fanahy Masina, an'izao tontolo izao sy ireo zavatr'izao tontolo izao. Izany no ilain'ny Pentekosta izao

hariva izao. Ny ilain'ireo hetsika antsika izao hariva izao, dia fikapohana tsara iray, amin'ny fanao fahiny, fikapohana mamadika volamena, mandra-pialan'izao tontolo rehetra izao amintsika, ka voataratra Jesosy Kristy.

⁸⁸ Avelao aho hanana an'ity vahoaka eran'ny tànana ato ity izao hariva izao, mifantoka feno amin'i Kristy, ary voatokana ho an'i Kristy ny fiainan'izy ireo. Afaka manao betsaka amin'ity eran'ny tànana ity aho, na Andriamanitra no afaka manao betsaka, raha ny marina, amin'ity vahoaka eran'ny tànana eto ity, mihoatra noho ny ahafahanareo manao amin'ireo Fiombonamben'ny Fiangonana Manerantany manontolo, mankany amin'ny Fanjakan'Andriamanitra. Lehilahy anankiray manolo-tena feno eo an-Tànany, izay ihany no ilain'Andriamanitra.

⁸⁹ Saingy, hitanareo, tsy tiantsika ny hipetraka tsara ka hamela Azy hikapoka an'ity ilany ity, *itsy* ilany *itsy*, manala an'ity, manala an'*itsy*, manala an'ity hevitra ity, sy *itsy*, ary mamela an'i Jesosy Kristy ho voataratra ao amintsika. Mijery sarimihetsika be loatra isika. Mijery televiziona be loatra isika. Manana fialam-bolin'izao tontolo izao hafa be loatra isika, hany ka nahavery ny tsirony ho an'ny olona ny fiangonana. Izany dia satria nivoaka ny Fanahy Masina, ary niditra ny zavatra hafa anankiray. Marina izany, ry sakaiza.

⁹⁰ Mandre an'ireo fijoroana vavolombelona aho, ireo Pentekotista amin'ny fanao fahiny, toy ny ahoana ny nananany an'ireo fivoriam-bavaka nandritry ny alina manontolo. Ireo raintsika sy renintsika, efapolo, dimampolo taona lasa izay, dia nivavaka nandritry ny alina manontolo. Halan'ny olona izy ireo, teny an-dàlambe. Ary mieritreritra isika, amin'izao andro izao, fa raha tsy mikapokapoka antsika eo amin'ny soroka ny olona iray, nahoana, dia misy zavatra tsy mety amintsika. "Lozanareo rehefa miresaka tsara ny aminareo ny olona rehetra." Izy dia nohamavoina sy nolavin'ny olona, ary isika no Endriny. Amena.

⁹¹ Ny ilaintsika amin'izao andro izao dia fivoriam-bavaka marina vitsivitsy, tena izy, fanadiovana anankiray, manomboka eny amin'ny polipitra hatrany amin'ny mpiandry trano, ny trano manontolo ho diovina, avy amin'Andriamanitra, kapohina, mitaratra ny Endrik'ilay Mpikapoka, ny Filazantsara voatory ao amin'ny herin'ny fitsanganan'i Kristy. Marina izany.

⁹² Ity filazantsara sosialy kely izay ananantsika ity, sy mikapoka an'ity anankiray ity eo amin'ny soroka, ary manao an'ity anankiray ity ho diakona iray, sy *itsy* anankiray *itsy* ho presbytera iray, na zavatra hafa tahaka an'izany, izy roa dia samy politika. Tsy izany marina tokoa ve no niseho tany Nise, Roma? Mila miala lavitra an'izany karazan-javatra izany isika. Metodista, Batista, Presbyterana, Pentekotista, sy ny rehetra, tokony miala ao amin'izany isika.

⁹³ Tsy manan-toerana ao amin'ny Fiagonana ny politika. Ny Fanahy Masina no tsy maintsy mifehy an'ilay Fiagonana, fa tsy latsa-bato politika iray an'ny hoe iza no iza. "Andriamanitra dia nametraka ao amin'ny fiagonana ny sasany apostoly, ny sasany mpaminany, ary ny sasany mpampianatra, sy evangelista, ary pasitera." Tsy olona no nandatsa-bato azy ireo tao. Andriamanitra no nametraka azy ireo tao, tamin'ny alàlan'ny antson'ny Fanahy Masina, fivoriam-bavaka, sy fametrahan-tàhana, ary fijanonana teo anatrehan'Andriamanitra.

⁹⁴ Fa, amin'izao andro izao, dia nanao ny fivavahantsika eo amin'ny toerana iray ara-tsosialy isika hany ka saiky mitovy amin'ireo politika izany, ny tenany, fa milalao an'izany ao amin'ireo anaram-piagonantsika rehetra isika. Isika dia... Ny anankiray tsy afaka manondro an'ilay anankiray hafa. Meloka isika rehetra. Ao anatin'izany dia mahita lehilahy sasany tena izy sy vehivavy tena izy ianareo. Fa ny olana, izay eritreretiko, dia lasa be loatra eo amin'ny—eo amin'ny lafiny havitsiana isika, ireo vahoaka izay te-hino sy mila ny herin'Andriamanitra. Misy maro loatra no nampidirina tamin'ny alàlan'ny hetsika ara-tsosialy, "Eny, ity dia lehilahy tsara iray. Lehilahy mahafinaritra izy."

⁹⁵ Manana fiagonana tsara isika. Manorina fiagonana tsara isika, ary fiagonana tsaratsara kokoa noho izay nananantsika fahiny. Marina izany. Tsy misy na inona na inona manohittra an'izany. Tiako ny mahita ny fiagonana ambinina.

⁹⁶ Saingy, rahalahy, aleoko mahita azy ambinina ao amin'ny herin'ny Tompo toy izay ambinina ao amin'ny zavatr'izao tontolo izao. Miverena amin'ny Filazantsara indray! Miverena amin'ny herin'Andriamanitra! Miverena amin'ny pentekosta, ny...tahaka an'ilay tany am-boalohany. Fa, hitanareo, ny olana amin'ilay izy dia, tsy tiantsika ny handray an'izany fikapohana izany.

⁹⁷ Afaka milaza zavatra anankiray mikasika zavatra anankiray ianareo, ary zavatra tsy mendrika iray izay atao'nny fiagonana, na-na zavatra ara-tsosialy iray, avy eo dia mandà anareo avy hatrany izy ireo, manidy an'ireo varavarana. Tsy afaka miditra ao ianareo, hitanareo, satria manana fivoriana iray izy ireo ary handroaka anareo. Tsy mila anareo intsony mihitsy izy ireo. Hoy izy ireo hoe, "Adala ianareo. Nahavery ny sainareo ianareo." Fa raha mbola HOY NY TOMPO HOE foana ilay izy, dia tsy mampaninona ahy izay lazain'olona. Mila ny herin'i Kristy ny manova olona iray. Mila ny herin'i Kristy ny mihaazona olona iray.

⁹⁸ Ary araka ny nolazain'i Jesosy indray mandeha hoe, "Diniho ny lisy. Kanefa Lazaike aminareo fa Solomona, tao amin'ny voninahiny rehetra, dia tsy nitafy tahaka ny anankiray." Solomona, tao amin'ny voninahiny rehetra, dia fa-fahitana nahafinaritra iray. Tsy misy fisalasalana. Zavatra anankiray

lehibe tamin'izao tontolo izao izy, ary lehilahy iray lehibe teo anatrehan'Andriamanitra. Saingy tsy nanana aina tao anatiny ny akanjon'i Solomona. Tapaka fitaovana iray izany, angamba nohetezana avy tamin'ny lamosin'ondry anankiray. Fa, ny lisy dia manana aina.

⁹⁹ Ny ilaintsika amin'izao andro izao dia ny Fiainan'i Kristy ao anatintsika. Izany no manadio; tsy ilay ety ivelany, vozon'akanjo mivadika iray, na diploma iray an'ny psykolojia, na zavatra iray. Mila ny herin'ny fitsanganan'i Kristy ny manao antsika an'izay tokony haha-izy antsika. Tsy manana drafitra hafa Andriamanitra ankoatry ny mamela ny Fanahy Masina manapaka sy manjaka ao amin'ny Fiangonana.

¹⁰⁰ Oh, Andriamanitra, tena tao amin'ny endrik'Andriamanitra loatra Izy, hany ka lasa Iray Izy sy Andriamanitra. "Izaho sy Ny Raiko dia Iray." Oh, oadray! Fiainana iray toy ny inona izany, mba hiainan'Andriamanitra tao Aminy, ka ny Fiainany manontolo dia voarakotra tao amin'Andriamanitra. Tsy mahagaga raha sangan'asa iray izany!

Nanatona Azy i Satana.

¹⁰¹ Isaky ny nieritreritra Andriamanitra fa nanana sangan'asa iray Izy, dia niditra i Satana. Niditra tao amin'i Mosesy izy, ary nopolohiny ireo didy. Saingy rehefa tonga teo amin'ity Sangan'asa ity izy, fifidianan'Andriamanitra manokana izany. Amena. Izy dia—nanendry Azy mialoha Izy. Tsy nahasoa azy izany. Nijanona mahatoky tamin'Andriamanitra Izy, rehefa njery Azy Andriamanitra ka nahita fa nalaim-panahy efapolo andro tany an-efitra Izy, tahaka an'i Mosesy. Mazava ho azy, fa nanao aloka mialoha Azy ireo lehilahy rehetra ireo. Potika ny lalàna. Fa rehefa tonga izy, Satana, ilay mpaka fanahy lehibe, ary niezaka naka fanahy Azy, dia hitany fa tsy nahita an'i Mosesy izy teo. Tsia, tompoko. Nikasika volta dimy arivo watt izy izay nandoro ny elany rehefa nitsambikina teo amin'io Anankiray io.

¹⁰² "Voasoratra hoe," hoy Izy. Hitanareo? Lavo i Adama. Fa, Jesosy, ilay Adama faharoa, io Sangan'asa izay tonga io, ho Mpanavotra, hoy Izy hoe, "Voasoratra hoe, 'Tsy ny mofo ihany no hiveloman'ny olona, fa ny Teny rehetra izay aloaky ny vavan'Andriamanitra.'" Nanana Sangan'asa Izy teo. Eny, tompoko. Nilaza zavatra hafa Izy. Hoy Izy hoe, "Voasoratra hoe koa, 'Aza maka fanahy ny Tompo Andriamanitrap.' Mialà ianao, ry Satana." Teo ny Sangan'asa iray. Inona no Nataony?

¹⁰³ Tsy nilaza hoe, "Hoteneniko amin'ny fiangonako. Hanana an'ireo presbytera hanao an'izao-sy-izao Aho. Hanao an'izao-sy-izao ny eveka."

¹⁰⁴ Hoy Izy hoe, "Voasoratra hoe." Izany no Napetrany taorian'Ny Adamany voalohany, fa lavo izy, ary nosimbain'i Satana izany. Saingy tsy afaka nanimba an'ity Anankiray ity izy, tsy namparinonina izay nataony. Arak'izany, hany izy . . .

¹⁰⁵ Hoy Andriamanitra hoe, "Ity No Zanako malalako. Henoy Izy. Ny zavatra rehetra, Atolotro ho Azy ny zavatra rehetra. Ianareo, henoy Izy." Iray Izy ireo. Iray ihany Izy ireo. Andriamanitra dia nipetraka tao Aminy, nanao Azy ho Andriamanitra, Imanoela, teto an-tany. Izy dia Zanak'ondry tanteraka iray, oh, ilay Sangan'asa tanteraka an'ny fanavotana. Nahafaly an'Andriamanitra izany, noho izany, tahaka an'i Michelangelo mihitsy, tena voatsindrimandry tamin'ny Fiainany Izy. Hitantsika ao amin'ny . . .

¹⁰⁶ Manana Soratra voasoratra aho eto. Marka 9:7, raha tianareo ny hamaky an'izany. Rehefa . . . Izany dia ny Tendrombohitra Fiovan-tarehy. Rehefa tany ambony tany amin'ny Tendrombohitra Fiovan-tarehy Izy, dia hitantsika fa niseho teo i Mosesy, ary niseho teo i Elia.

¹⁰⁷ Ary avy eo, ny zavatra voalohany fantatrareo, dia tena voatsindrimandry ny apostoly Petera, hany ka hoy izy hoe, "Ndao isika hanorina tabernakely anankitelo eto. Hanao rafi-pandaminana anankitelo avy amin'izany isika. Hanao anaram-piagonana anankitelo isika: anankiray ho an'i Mosesy, anankiray ho an'i Elia, ary anankiray ho Anao."

¹⁰⁸ Raha mbola niteny izy, dia nisy feo nivoaka avy tao amin'io rahona io. Izao no voalaza hoe, "Ity No Zanako malalako. Mahafaly Ahy loatra Izy, ho Kapohiko ho anareo Izy. Henoy Izy. Hiteny Izy."

¹⁰⁹ "Izy dia voalefona nohon'ny fahotantsika. Nototororoina nohon'ny helotsika Izy." Zanak'ondry iray Izy, ilay Zanak'ondrin'Andriamanitra, ilay Fanatitra tanteraka. Tsy nisy olona niaina tahaka Azy mihitsy, tsy nisy olona niaina tahaka Azy mihitsy hatramin'izay. Izy ilay Sangan'asa tanteraka, mifanaraka marina tokoa amin'ny Tenin'Andriamanitra.

¹¹⁰ Andriamanitra tany am-piandohana dia nanome Ny Teniny, ampahany iray ho an'ity ampahan'ny fotoana ity, ho an'itsy ampahany itsy, ho an'itsy ampahany itsy.

¹¹¹ Eo no tena mahavoafitaka sy mampifanjevo ny olona amin'izao andro izao. Miezaka izy ireo ny manorina eo amin'ny zavatra anankiray izay nitranga tamin'ny efapolo, dimampolo taona lasa. Isika dia . . . Izany, izany dia nomena ho an'io taona io.

¹¹² Inona ny soa nataon'izany ho an'i Mosesy ny ho tonga miaraka amin'ny—miaraka amin'ny hafatr'i Enoka? Inona ny soa nataon'izany ho an'i Mosesy ny ho tonga miaraka amin'ny—miaraka amin'ny hafatr'i Noa? Inona no soa nataon'izany ho an'i Jesosy ny ho tonga miaraka amin'ny—miaraka amin'ny hafatr'i Mosesy? Hitanareo? Ary inona ny soa nataon'izany ho an'i Wesley ny ho tonga miaraka amin'ny hafatr'i Luther? Inona ny soa nataon'izany ho an'ny Pentekosta ny ho tonga miaraka amin'ny hafatr'i Wesley? Hitanareo ve izay tiako lazaina?

¹¹³ Izany rehetra izany dia voatsinjara ato ao amin'ny Baiboly, ary tsy maintsy mahafantatra ny taona sy ny ora isika, ary hoe inona no ho antsika. Ary eo no mahadiso antsika amin'izao andro izao. Mamaky ny zavatra rehetra isika afa-tsy ny Baiboly. Izao no andro izay tokony iainantsika. Izao no andro izay nametrahan'Andriamanitra antsika eto. Ndao isika hijery ao amin'ny Teny.

¹¹⁴ Izany no nahadiso azy ireo tsy nahita an'i Jesosy; ireo Fariseo ireo, sy Sadoseo, Herodiana. Efa nanamboatra azy tsara ireo rafi-pandaminana samihafa an'izany andro izany, ary tena nanamboatra tanteraka mihitsy, tsy nisy lèlana ho an'ny fandosirana iray, nieritreritra izy ireo. Fa rehefa tonga Izy, Izy tanteraka tokoa... Hafa tamin'izay rehetra noeritreretin'izy ireo Izy. Izy dia Lehilahy kely, manetry tena teraka tao amin'ny fihinanam-bilona, niaraka tamin'ny... natao ho Zaza iray tsy ara-dalàna, sy ireo zavatra rehetra tahaka an'izany.

¹¹⁵ Fa, kanefa, tonga marina tokoa araka ny nolazain'ny Soratra fa Hahatongavany Izy. Ary efa zatra an'izay nolazain'i Mosesy izy ireo, nefo niresaka ny Aminy i Mosesy. Hoy Izy hoe, "Eny, raha nahafantatra an'i Mosesy ianareeo, dia ho nahafantatra Ahy. Niresaka ny Amiko i Mosesy." Nefo mbola tsy afaka nahita an'izany foana izy ireo. Niolanolana tao amin'ireo fombafombany fotsiny, hany ka tsy afaka nahita an'izany izy ireo. Fa, hitanareo, tsy tonga mba hampitaratra an'ireo rafi-pandaminan'izany andro izany Izy. Tsy tonga mba hampitaratra ny fivavahana sekta Izy.

¹¹⁶ Tonga mba hampitaratra ny Ray Izy, ary ny Ray dia ny Teny. Amena. Mahatsapa ho tena mpivavaka aho ankehitriny. Tonga Izy mba hampitaratra ny Tenin'ny Ray. Nilaza Andriamanitra fa ho eo Izy, ary teo Izy, ilay Sangan'asa tanteraky ny assatànana lehibe an'Andriamanitra. Oh, oadray! Izy no taratra tanteraka ny Aminy. Izy no nampitaratra ny zavatra rehetra izay—izay notenenin'Andriamanitra. Nampitaratra an'izay nolazain'i Adama nikasika Azy Izy. Nampitaratra ny amin'izay nolazain'ireo mpaminany rehetra Izy, ny amin'izay nolazain'ireo patriarka rehetra. Ny zavatra rehetra izay Nolazainy, dia Izy no fahatanterahan'ny Teny. Tanteraka tao Aminy ny tandindona rehetra. Hia. Lasa Jehovah-n'ny Testamenta Vaovao Izy. Izy no Jehovah-n'ny Testamenta Taloha. "Ny Teny tamin'izany fotoana izany," izay tao amin'ilay Andry Afo, "dia tonga voaseho ary nonina teo anivontsika." Jehovah-n'ny Testamenta Taloha dia lasa Jesosin'ny Testamenta Vaovao. Izy no taratra tanteraka an'Andriamanitra.

¹¹⁷ Oh, raha mba afaka mampitaratra an'io Fiagonana voalohany io fotsiny mantsy ilay Fiagonana amin'izao andro izao, rehefa nilatsaka ny Fanahy Masina tamin'ny Andron'ny Pentekosta! Raha afaka mampitaratra ny Kristiana amin'izao

andro izao! Isika dia andiana mifangaro iray, amin'ny naha-izy azy ireo.

¹¹⁸ Nandalo aho, teo am-pahatongavane androany, nandinika aho, nidina teto, teo akaikin'ny iray amin'ireo Casa Grande kely ireo, na ny sasany amin'ireo toerana kely eto ireo, dia nahamarika aho fa nisy toe—toeram-pambolena landihazo iray, ary alfalfa samihafa. Tsy maintsy nanana fanodinan-drivotra izy ireo tany, hipaompy rano, mba hihazonana an'izany handeha. Nahoana? Tsy teo izany. Azo antoka fa tsy teo. Fa, jereo ilay raketa antitra, mety tsy nanorana nandrity ny dimy taona nefá velona izy. Ary raha diso amin'ny fanondrahana rano eo amin'izany mandritry ny andro vitsy ianareo, dia ho faty izy. Hitanareo, tsy ilay tany am-boalohany izany.

¹¹⁹ Tahaka an'izany no maha-izy antsika. Tsy maintsy rotsirotsiana isika, ary hatao olona tena ilaina ao ampiangonana, ary kapokapohina, ka antsoina *ity, itsy*, na ny *hafa*.

¹²⁰ Eny, ireo Kristiana voalohany dia henjana. Tsy noraharahan'izy ireo hoe iza no nikapokapoka azy ireo teo amin'ny lamosina. Nampitaratra an'i Jesosy Kristy izy ireo, tena betsaka, ka hoy izy ireo hoe... Noheveriny fa izy ireo—izy ireo dia tsy mahay sy tsy nianatra. Tsy nandeha tany amin'ny sekoly ambony izy ireo, ary tsy nanana ny diplomañ'ny kolejy. "Saingy tsikaritr'izy ireo fa efa niaraka tamin'i Jesosy izy ireo." Izany no ilain'izy ireo, ireo Kristiana amin'izao andro izao, ny mahatsikaritra fa efa niaraka tamin'i Jesosy ianareo. Misy zavatra anankiray mikasika anareo, hafa izany. Fantatro fa izany dia tsy... Tsy zavatra malaza ho lazaina izany, saingy tsy mitady laza isika. Tsy mitady zavatra mora ny Kristiana.

¹²¹ Anabavy antitra anankiray tao amin'ny fiangonako taona maro lasa izay, no nitsangana taloha ka nihira an'ilay hira hoe:

Tsy maintsy entina mody any an-trano An-danitra
ve aho
Eo ambonin'ny fandriam-piadanana iray misy voninkazo,
Nefa ireo hafa dia niady mba hahazo an'ilay loka
Ka nisosa nandalo teo amin'ireo ranomasin-drà?
Tsia, tsy maintsy miady aho raha tsy maintsy hanjaka.

¹²² Mieritreritra an'izay ho nataonareo ianareo raha teto ka ny zavatra rehetra dia nanohitra an'i Jesosy Kristy, raha velona tamin'ny Androny ianareo. Velona ianareo eo, ry rahalahiko, anabaviko. Marina izany. Mbola ny Teny foana Izzy. Jereo hoe toy ny ahoana no anitsahan'izy ireo an'Izany amin'izao andro izao. Jereo hoe toy ny ahoana no iezahan'izy ireo mandrafitra an'Izany, ary manakambana an'Izany, sy ny zavatra rehetra tahaka an'izany, miaraka amin'izao tontolo izao. Mijoroa. Raiso

ny—raiso ny toeranareo ho an'i Jesosy Kristy sy Ny Teniny. Aoka tsy hisy na inona inona hanakana an'izany. Mijanona tsara amin'Izany.

¹²³ Tahaka an'ilay lehilahy Sinoa antitra mpanasa lamba, rehefa tonga teto Arizona sy California fahiny, taona maro lasa izay. Tsy afaka nanoratra teny Anglisy anankiray izy. Zara raha fantany izany. Manatitra ny lambanareo any aminy ianareo. Fantatrareo ve izay nataony? Nanana sombin-taratasy kely izy, tsy nisy na inona na inona voasoratra mihitsy teo aminy. Norovitiny fotsiny izany sombin-taratasy izany ary omeny sombiny anankiray ianareo. Rehefa miverina ianareo, io sombin-taratasy io dia tsy maintsy mifanaraka amin'ny sombin-taratasy, raha tsy izany dia tsy azonareo ny lambanareo. Tena tsara kokoa izany. Afaka manao dika mitovy anarana iray ianareo, saingy tsy hahafitaka azy eo, satria tsy maintsy mifanaraka amin'ny sombin-taratasy marina tokoa io sombin-taratasy io.

¹²⁴ Tahaka an'izany koa no nanaovan'Andriamanitra ny Fanekeny. Ny fahatsapantsika dia tsy tokony hifanaraka amin'ny fanekem-pinoana iray, dogma iray, fiangonana anaram-piangonana iray, fa tsy maintsy mifanaraka amin'ny Tenin'Andriamanitra, Jesosy Kristy. Marina. Rehefa manatona an'i Kristy isika, amin'izay fotoana izay dia mitaky antsika Kristy. Nandrovitra Azy nizara roa Izy, teo Kalvary. Ny ampanhan'izany dia Nakariny, ary mipetraka eo an-Tanany ankavanana, dia ilay vatana. Ny Fanahy, tonga Izy, naverina teto mba hanao Ampakarina iray ho Azy. Ary izany fahatsapana iray izany ihany izay tao amin'i Kristy no tsy maintsy ao amintsika.

¹²⁵ Izy dia—tena tanteraka loatra Izy hany ka nahafaly an'ilay Mpanao sokitra Izy, ary nanindrimandry mafy Azy hany ka Nokapohiny Izy teo Kalvary. Oh, oadray! Ankehitriny hitantsika Izy araky ny nolazain'ny Soratra hoe, sangan'asan'Andriamanitra. "Isika dia nahita Azy nokapohina, nasiana, ary nampahorian'Andriamanitra." Teo ilay tena sangan'asa. Tahaka ny nikapohan'i Angelo ny azy, izany no nanao... .

¹²⁶ Raha niaina fiainana tsara fotsiny Izy, dia ho tahaka ny sasany amin'ireo olona izay mitory ny filazantsara aratsosialy amin'izao andro izao Izy, "Mpaminany iray Izy." Mpaminany iray Izy, saingy mihoatra noho ny mpaminany iray Izy. Andriamanitra Izy. Imanoela Izy.

¹²⁷ Ary ankehitriny ny nanao Azy marina tokoa, ho ahy, ilay—ilay Sangan'asa ho ahy sy ho anareo, dia satria nokapohin'Andriamanitra Izy. Nokapohiny teo Kalvary Izy. Raha tsy nokapohina Izy... . Tsy mampaninona na firy ny maty Natsangany, malaza toy ny ahoana no Nitoriany teny, toy ny inona ny Fiainany lehibe, inona ny Fanambarany, dia voaporofo

Izy teo. Tena faly Izy, faly Andriamanitra, hany ka Izy no Lehilahy tokana izay hany nitsangana teto amin'ny tavan'ny tany izay azon'Andriamanitra nokapohina ho an'ny sisa amin'izy ireo. Voakapoka ho an'ilay tsi-tanteraka io Anankiray tanteraka io. Ny famoronana manontolo izay lavo, tamin'ny alàlan'i Adama, dia navotana tamin'ny alàlan'i Jesosy Kristy izany. Nahatanty an'ilay fitsapana ny Sangan'asan'Andriamanitra. Ahoana no Nanaovany an'izany? Tamin'ny alàlan'ny Teny. "Voasoratra hoe, 'Tsy ny mofo ihany no hiveloman'ny olona, fa ny Teny rehetra izay aloaky ny vavan'Andriamanitra.'"

¹²⁸ Oh, ry sakaiza Kristiana, anaovy ny fitaovalam-piadian'Andriamanitra manontolo. Aza mitsangana any aoriania miaraka amin'ny hevitra kely iray an'ny fanekem-pinoana iray, na zavatra izay tohananareo. Anaovy ny fitaovalam-piadian'Andriamanitra manontolo rehefa mandeha hiady amin'ilay fahavaloo ianareo, tahaka ny nataon'ny Tomponsika. Nasehony hoe ahoana fa afaka mandresy an'i Satana miaraka amin'ny Teny ilay malemy indrindra amin'ny Kristiana. Nanana hery Izy, afaka namely an'i Satana tamin'ny fomba rehetra izay Tiany hamelezana Izy, saingy tsy nampiasa an'izany Izy. Noraisiny fotsiny ny Teny ka nandresy azy tamin'Izany. "Voasoratra hoe. Voasoratra hoe." Hatraiza hatraiza, "Voasoratra hoe." Noho izany dia nandresy an'i Satana tamin'ny Tenin'Andriamanitra Izy.

¹²⁹ Ankehitriny, izany no Sangan'asa tanteraka iray ary nokapohin'Andriamanitra Izany. Ohatra iray toy ny inona Izany! Zavatra iray tena misy toy ny inona! Miresaka ny amin'ny ampanaha'ny—ny sokitr'i Michelangelo tany ve, ny amin'i Mosesy voakapoka teo amin'ny ranjo? Hoy ny Baiboly hoe, "Simba mihoatra ny olona rehetra io Lehilahy io. Simba loatra Izy hany ka tsy nitovy tamin'ny zanak'olona iray akory aza Izy. Nokapohina Izy. Notorotoroina Izy. Nivoa-drà Izy. Nendahina Izy." Izy...Ny zavatra rehetra izay azo natao. Izy dia nitovy fotsiny tahaka ny—tahaka ny antontan-dRà sy taolana goavana iray fotsiny, nandeha niaraka. Tsy nitovy tamin'ny olombelona iray akory aza Izy, raha nitaritarika an'izany niakatra an'i Kalvary Izy. Nikapoka Azy ho antsika Andriamanitra. Izany no manao Azy ho ilay Sangan'asa tanteraka.

¹³⁰ Oh, toy ny ahoana no itiavako Azy, fantattro fa nanao an'izany ho ahy Izy, fantattro fa nanao an'izany ho anareo Izy. Ahoana no ahafahantsika—ahoana no ahafahantsika hiatrika an'izany? Tsy misy olona afaka hiatrika an'izany. Tsy misy olona mendrika hiatrika an'izany. Tsy nanana fanantenana isika teto. Tsy nanana an'Andriamanitra isika. Tsy nanana fomba fanavotana iray isika. Ny tsirairay avy amintsika dia teraka tamin'ny fananahana, ary tsy maitsy handoa ny vidiny fotsiny isika. Saingy tonga Izy, ilay Anankiray tanteraka, ary tena

tanteraka sy tena nahafaly hany ka nokapohin'Andriamanitra ho ahy sy ianareo Izy.

¹³¹ Ankehitriny, nandritry ny teo amin'ny roa arivo taona teo, dia efa niezaka ny hanao Ampakarina sangan'asa iray ho Azy Andriamanitra, nantsoina hoe ny Fiagonana. Marina izany. Ahoana no anaovan'Andriamanitra an'izany? Manao an'izany amin'ny alàlan'ny Fombany tsy miova mandrakizay Izy, ny Teny. Tsy manova ny Fombany mihitsy Andriamanitra. Ny olona rehetra, afaka ianareo. Miova ianareo. Miova aho. Miova ny fotoana. Miova izao tontolo izao. Fa Andriamanitra tsy miova, tanteraka Izy. Tsy miova Izy. Ary ny fomba Anaovany ny zavatra rehetra tamin'ny voalohany, dia manao an'izany amin'ilay fomba iray ihany foana Izy.

¹³² Namonjy ny olona Izy indray mandeha satria nibebaka izy. Izany no fomba hamonjeny ny olona indray. Nanasitrana olona iray Izy satria nanana finoana izy. Hanasitrana an'ilay anankiray manaraka eo amin'ilay fototra iray ihany Izy. Tsy manova ny Fombany mihitsy Izy, satria, hitanareo, masi-mandidy Izy ary Mandrakizay Izy. Tsy manam-petra Izy, manatrika mandrakariva, faratampon'ny fahaizana. Andriamanitra Izy. Ary noho izany dia tsy mila mangataka fahendrena amin'ny olona iray Izy. Tsy mila miandry mandra-Pianarany betsaka Izy. Tsy mila diploma vaovao iray Izy. Tanteraka Izy. Ary ny diploma rehetra, sy ny zavatra rehetra izay Ataony voalohany, ny Fanapahan-keviny voalohany dia mijanona ho iray ihany mandrakizay. Tsy azo ovaina mandrakizay izany. Oh, faly toy ny ahoana aho!

¹³³ Ary rehefa nanao ny Sangan'asany voalohany Izy, dia nametraka azy tao ambadiky ny Teny Izy. Rehefa nanao Ny Sangan'asany faharoa Izy, dia Izy no Teny. Amena. Izy no Teny; tsy tao *ambadiky* ny Teny. Fa, Izy no Teny. Tsy manova ny Drafiny mihitsy Andriamanitra. Izany marina tokoa no Nanombohany nanaovana ny Fiagonany voalohany, ny Teny.

¹³⁴ Ankehitriny, Andriamanitra, ny Teny, tamin'ny voalohany, dia tsy niankina tamin'ny hafa rehetra Izy, ny zavatra hafa rehetra, ny olona hafa rehetra. Ankehitriny, tsy ny ho hafa no tiako lazaina. Andriamanitra dia mpanavakavaka iray. Fantatrareo ve izany? Miresaka ny amin'ny fanavahana ve ianareo? Mpanavakavaka iray Andriamanitra. Manao tokoa Izy. Manasaraka ny Olony amin'izao tontolo izao Izy. Nanasaraka ny Isiraelly Izy, ny Fireneny. Miezaka manasaraka ny Fiagonany amin'izao tontolo izao Izy, saingy te-hanohy miaraka amin'izao tontolo izao ny fiagonana. Fa mbola voavaka foana ny Olony, voavaka ho Azy. Iza Izy? Ny Teny.

¹³⁵ Ahoana no ahafahan'ny olona iray hanana ny batisan'ny Fanahy Masina, ary ny Fanahy Masina no nanoratra ny Teny, ary ny olona iray manana ny batisan'ny Fanahy Masina nefá manda

ny Teny? Ahoana no ahafahan'ny Fanahy Masina ao anatinareo handà Ny Teniny manokana izay voaseho ho anareo? Tsy mety azoko izany. Izany dia tsy maintsy mifanaraka amin'ny Teny. Ary raha ny fanahy izay ao anatinareo no tsy hanisy tsindrim-peo ny tsirairay avy amin'ny teny fikasan'Andriamanitra amin'ny "amena," dia misy zavatra tsy mety ao.

¹³⁶ Rahalahy Fred Sothmann na olona iray eto izao hariva izao, no nanonona hoe, "Jesosy Kristy no tsy miova omaly, anio, ary mandrakizay." Izy no Teny. Izany, azo antoka. Tsy miova Izzy isan'andro, hitanareo, ary ny fanahinareo dia tsy maintsy manisy tsindrim-peo an'izany amin'ny "amena."

¹³⁷ "Oh, Izzy, amin'ny lafiny iray dia izany Izzy." Amin'ny lafiny rehetra, dia Izzy no tsy miova omaly, anio, ary mandrakizay.

¹³⁸ Ankehitriny dia mahamarika isika fa Andriamanitra dia nanomboka nanao ho Azy ny—Ampakarina iray ho an'i Kristy. Noho izany... Ary ny Ampakarina dia tsy maintsy voatondro miaraka Aminy sy ao Aminy, satria Ampahany izany. Ankehitriny, ny Ampakarina dia Ampahany. Ampahany Izzy. Ny Teny ho an'io andro io, dia lasa ampahan'io Teny io ny Ampakarina, satria Kristy izany. Ankehitriny, mino an'izany ve ianareo? Tsy maintsy ao amin'i Kristy isika. Ao amin'i Kristy, tsy maintsy ho avy amin'i Kristy isika, ao amin'i Kristy, ampahan'i Kristy.

¹³⁹ Inona ny vehivavy iray, rehefa maka lehilahy iray izy, na ny lehilahy iray no maka vehivavy iray? Tsy maintsy ho ampaahany io vehivavy io. Tsy roa intsony izy ireo. Iray izy ireo.

¹⁴⁰ Ary rehefa lasa iray Andriamanitra sy Kristy, Iray Izzy ireo. Satria, Andriamanitra dia ny Teny, ary ny Teny dia tonga nofo. Laso Iray ilay nofo sy ny Teny. Ary rehefa lasa Ampakarin'i Kristy ny fiangonana, dia iray ihany Izzy sy ireo Filazantsara.

¹⁴¹ Ahoana no ahafahanareo hilaza, arak'izany hoe, "Efa lasa ireo andron'ny fahagagana"? Ahoana no ahafahanareo hilaza, arak'izany hoe, "Izy dia tsy ilay tsy miova omaly, anio, ary mandrakizay"? Ahoana no ahafahanareo hilaza hoe, "Ireo zavatra ireo dia ho an'ny apostoly iray na mpianatra iray, na olona iray tamin'ny andro hafa," nefä Ampahany ianareo?

¹⁴² Nefa, hoy Izzy hoe, "Ny lanitra sy ny tany ho levona, fa Ny Teniko tsy ho diso mandrakizay." Ahoana ny amin'ny Apokalypsy 22, rehefa namarana nanoratra ny Boky Izzy? Hoy Izzy hoe, "Manambara Aho fa raha misy olona iray hanampy teny anankiray, na hanaisotra Teny anankiray amin'Izany, dia hesorina amin'ny Bokin'ny Fiainana ny anjarany."

¹⁴³ Ahoana no handehanantsika hankany An-danitra, arak'izany, milaza hoe, "Eny, mino an'ity aho, fa tsy mino an'Izany"? Tsy maintsy ho ilay Teny feno ianareo, satria Ampahany ianareo. Tahaka an'izany no ezahan'Andriamanitra anamboarana Ny Fiangonany amin'izao andro izao, tsy amin'ny

alàlan'ny fanekem-pinoana iray. Ary miezaka manery antsika hiditra ao anatin'izany izy ireo, ry havana. Mahita an'izany tonga ianareo. Eo amin'ny rindrina ilay sora-tànana. Tsy ho ela dia ho lasa Fiangonana iray maneran-tany isika. Ary tsy maintsy hiditra ao anatin'izany ny fiangonana tsirairay, raha tsy izany dia hahatanty an'ireo zava-misy. Eny, vonona ny hahatanty an'izany ve ianareo? Tsaratsara kokoa ho anareo ny tsy manao an'izany satria fotsiny hoe mihevitra ianareo fa izany no zavatra mety.

¹⁴⁴ Tsaratsara kokoa aminareo ny manana an'i Kristy ao anatinareo, satria Mandrakizay ity Teny ity, ary ity Teny ity no hanangana anareo indray. Lasa ampanhan'ity Teny ity ianareo. Voatondro miaraka amin'ny Teny ianareo.

Amin'izao andro izao, hoy ianareo hoe, “Kristiana iray aho.”

¹⁴⁵ “Anaram-piangonana inona no ikambananao?” Eny, tsy misy idiran'izany amin'ny Kristianisma.

¹⁴⁶ Mety tsara ny manana anaram-piangonana. Tsy manohitra an'izany aho. Saingy, hitanareo, izany, izany no mahatonga ny olona... Olona maro no milaza fa mandrovitra an'ireo anaram-piangonana aho, mandaka azy ireny aho. Tsy manao an'izany aho. Tsia, tompoko. Ireo anaram-piangonana, mety tsara izy ireo. Tahaka ny fifanarahana miasa fotsiny izany, na zavatra iray tahaka an'izany. Fa rehefa miraikitra ianareo, satria hoy ianareo hoe, “Kristiana aho satria mikambana amin'ny fiangonana *izao-sy-izao*,” dia tsy midika na inona na inona izany. Tsy maintsy avy amin'i Kristy ianareo, ary Kristy no Teny. Ary matetika ireo anaram-piangonana ireo dia tena lavitry ny Teny tahaka ny Atsinanana amin'ny Andrefana.

¹⁴⁷ Tsy maintsy mijanona amin'ity Teny ity ianareo, mba ho Ampakarina. Raha ao anatin'ny Ampakarina ianareo, dia ao anatin'ny Teny, ary ny Teny ao anatinareo. Ary ny Teny izay nampitaratra an'Andriamanitra tamin'ny alàlan'i Kristy, no mampitaratra an'ilay Andriamanitra iray ihany amin'ny alàlanareo. Amena. *Amena* dia midika hoe “ho tanteraka anie izany.” Noho izany, ho tanteraka anie izany. Mino an'izany ho ny Fahamarinana aho. Tsy maintsy voatondro miaraka Aminy ianareo.

¹⁴⁸ Ankehitriny, raha ho tena Amerikana iray tena izy aho, raha ho olom-pirenena marina iray an'ity firenena ity aho, dia tsy maintsy voatondro miaraka aminy. Tsy maintsy ho izay rehetra hany haha-izy azy aho, tsara na ratsy. Tsy maintsy ho izay rehetra maha-izy azy aho, tsara na ratsy; izay rehetra hany haha-izy azy, tsara na ratsy. Tsy maintsy voatondro miaraka amin'ity firenena ity aho, raha ho Amerikana iray. Marina ve izany? Ao amin'ny voninahiny na ny henatrany, fahafahany sy fidedadedany, na mety ho inona izy, izaho no tsy maintsy ho ilay mpanao ny tsi-fahamendrehany. Tsy maintsy nijoro ho firaисана

iray aho. Ny zavatra rehetra izay maha-izy azy, dia izany aho. Ny zavatra rehetra izay hany naха-izy azy, dia izany aho. Izay rehetra hany haha-izy azy, dia tsy maintsy mpandray anjara aminy aho. Marina izany.

¹⁴⁹ Eritrereto mandritry ny minitra vitsy fotsiny izany. Noho izany, mba ho izany, amin'ny maha-Amerikana iray... Hazavaiko aminareo izany, mba hahazoanareo antoka fa hitanareo izany, raha mamarana aho.

¹⁵⁰ Mba ho Amerikana iray, dia tsy maintsy voatondro miaraka amin'ny zavatra rehetra izay hany nataony aho. Noho izany, dia nidina tao Plymouth Rock aho, niaraka tamin'ny—niaraka tamin'ireo razambe. Tany Plymouth Rock niaraka tamin'ireo Mpivahiny aho. Tany aho niaraka tamin'izy ireo. Nitaingin-tsoavalny niaraka tamin'i Paul Revere aho, indray alina, mba hampitandrina an'ity firenena ity mikasika ny lozany. Tsy maintsy aho, raha Amerikana.

Hoy ianareo hoe, “Oh, Rahalahy Branham!”

¹⁵¹ Andraso iray minitra. Ny Baiboly dia nilaza, ao amin'ny Hebreo ny toko faha-7, hoe, “Levy dia nandray ny ampaahafolony, nandoa ny ampaahafolony, satria tao an-kibon'i Abrahama izy rehefa nihaona tamin'i Melkizedeka izy,” ny rain'ny-rain'ny raibeny, ary nisaina ho azy izany. Rehefa tao an-kibony ny zafin'ny-zafin'ny-zafikeliny, rehefa nandoa ny ampaahafolony tamin'i Melkizedeka i Abrahama, dia notsinjarain'Andriamanitra izany. Nanao an'izany ve Izy? Marina izany.

¹⁵² Na inona na inona maha-izy an'ity firenena ity, dia izany aho. Marina izany. Noho izany, dia nidina tao Plymouth Rock aho. Nitaingin-tsoavalny niaraka tamin'i Paul Revere aho.

¹⁵³ Niampita ny Valley Forge aho, teo amin'io renirano nisy glasy io aho niaraka tamin'i George Washington. Isan'ireo miaramila Amerikana izay tsy nanana kiraro ireo aho, mba handeha hanohitra ny Britanika. Nanana tongotra mangatsiaka aho tamin'io maraina io, rehefa nandrakotra ny tongotro. Nahita an'i Washington nivoaka avy tany an-efitra aho, kotsa, hatreny amin'ny valahany, avy nivavaka nandrity ny alina manontolo. Tany aho rehefa nitranga izany.

¹⁵⁴ Nitsangana niaraka tamin'i Stonewall Jackson aho, rehefa tena lehibe ilay fanoherana. Rehefa naniraka nankany ireo tafika tavaratra, dia hoy izy ireo hoe, “Nihemotra ny tafika rehetra.”

Hoy izy ireo, “Aiza i Jackson?”

¹⁵⁵ Hoy izy ireo, “Mitsangana tahaka ny rindrim-bato iray izy.” Nitsangana niaraka taminy tany aho; lehilahy kely, bitika, manga maso.

¹⁵⁶ Nanontany azy izy ireo indray mandeha hoe, “Ahoana no nahafahanao nahatanty nefo tena lehibe ny fanoherana?”

¹⁵⁷ Lehilahy tena maotina, nandaka ny baotiny izy, tahaka an’izao, nanao hoe, “Tsy maka rano fisotro iray eo amin’ny vavako mihitsy aho, raha tsy misaotra an’Andriamanitra Tsitoha.” Nitsangana niaraka taminy tao amin’ireo faharesendahany aho. Nitsangana niaraka tamin’i Stonewall Jackson aho. Marina izany.

¹⁵⁸ Tany Boston Tea Party aho. Nanampy nanipy ny sasany tamin’io British Tea tao amin’ny ranomasimbe aho. Tsy maintsy izany aho, mba ho Amerikana iray. Eny, tompoko. Eny, tompoko. Nanao sonia an’ilay Fanambarana ny Fahaleovantena aho, niaraka tamin’i Thomas Jefferson. Nampaneno ny Liberty Bell aho, ny faha-4 Jolay, 1776.

¹⁵⁹ Voatondro ao amin’ny henatry ny tolom-piavotany aho, rehefa niady nanohitra rahalahy ny rahalahy, ary ny ray nanohitra ny zanaka. Tsy maintsy voatondro tao amin’ny henatrany aho, tahaka ny maha-voatondro ahy ao amin’ny voninahiny. Marina tokoa izany.

¹⁶⁰ Tany Wake Island aho rehefa nahavery ny ainy ireo miaramila rehetra ireo. Nahita azy ireo nanao an’izany aho. Nahita azy ireo aho rehefa naka an’i Wake Island izy ireo. Nanampy nampakatra ny saina tany Guam aho. Izany tokoa.

¹⁶¹ Izay rehetra naha-izy azy, ary izay rehetra hany nataony, izay rehetra maha-izy azy ankehitriny, dia milaza am-pireharehana aho fa ampahany aho, satria faly aho fa Amerikana. Tsy izany ve ianareo?

¹⁶² Mba ho Kristiana iray, dia tsy maintsy mitovy amin’izany aho. Haleloia! Eny, tompoko. Raha Kristiana iray aho, amin’izay fotoana izay dia nitory ny Filazantsara aho ka nampitandrina an’ireo fitsarana ho avy, niaraka tamin’i Noa. Eny, tompoko. Ampahan’izany aho tany aoriana tany, tao anatin’izany. Ampahan’ny fananan’Andriamanitra aho.

¹⁶³ Niaraka tamin’i Mosesy teo amin’ilay roimemy nirehitra aho. Noroahina avy tany Egypta niaraka tamin’i Mosesy aho. Nandositra nankany an-efitra aho, ary niaraka taminy teo amin’ilay roimemy nirehitra. Nandre ny Feony aho. Nahita ny Voninahiny aho. Nahita an’ilay Andry Afo tao ambadik’io kirihitra tany io aho, niresaka tamin’i Mosesy.

¹⁶⁴ Niaraka taminy aho teo amin’ilay Ranomasina Mena rehefa nisokatra izany. Nahita an’ilay Andry Afo nipetraka teo ambonin’ny Tendrombohitra Sinay aho. Nihinana mana aho tany an-efitra ary nisotro avy teo amin’ilay vatolampy nokapohina. Haleloia! (Tsy mahatsapa ho dimy amby dimampolo taona aho izao ankehitriny izao.) Amena. Eny, tompoko. Nihinana mana aho tany an-efitra, niaraka tamin’ireo

zanaka Hebreo tany an-efitra tany. Ary nisotro avy tamin'io vatolampy nokapohina iray ihany io aho.

¹⁶⁵ Nitsangana niaraka tamin'i Josoa aho tamin'io maraina io rehefa nandinika an'ireo rindrin'i Jeriko izy, ka nahita Lehilahy iray nitsangana. Nanatsoaka ny sabany izy ary nihazakazaka hitsena Azy. Hoy izy hoe, "Momba anay ve Ianao. Momba ny fahavalonay ve Ianao?"

¹⁶⁶ Hoy Izy hoe, "Izaho no Kapitenin'ny tafiky ny Tompo." Nahita an'i Josoa nanipy ny sabany teo amin'ny tany aho. Nandohalika niaraka tamin'i Josoa aho rehefa niondrika teo Anatrehany, ilay Kapitenin'ny Tompo an'ny Tafiny. Nahita an'ireo rindrin'i Jeriko nirodana aho, tamin'ny fitsofana ny trompetra.

¹⁶⁷ Nahita an'i Josoa aho, nanao hoe, "Ry masoandro, mipetraha tsara. Ary, ry volana, mijanòna eo ambonin'ny Aialona. Aza mihetsika." Nahita ny masoandro nipetraka tsara aho, ary ny volana tsy diso tamin'ny fanomezana ny hazavany. Nahita an'izany rehetra izany niseho aho.

¹⁶⁸ Niaraka tamin'i Daniela tao an-davaky ny liona aho; niaraka tamin'ireo zanaka Hebreo tao anatin'ny lafaoro afo.

¹⁶⁹ Niaraka tamin'i Elia aho, tany rehefa nandà azy izao tontolo rehetra izao, ary i Ahaba sy ireo Jezebelany rehetra niaraka tamin'ny volony tapaka sy ny sisa tamin'izany andro izany, ireo lokony sy vovoka fanosorany, ny zavatra rehetra izay nahazo an'ilay fiangonana. Nitsangana niaraka tamin'i Elia aho, nanambara an'ilay hafatra mangarangarana sy madio, mikasika ny Tenin'Andriamanitra. Haleloia! Nijanona niaraka taminy aho teo ambonin'ny Tendrombohitra Karmela rehefa nitsangana irery tany izy. Nahita azy nivavaka aho mba hidinan'ny afo avy tany an-danitra.

Niaraka tamin'i Davida aho rehefa namono an'i Goliata izy. Voninahitra ho an'Andriamanitra!

¹⁷⁰ Eny, raha Kristiana iray aho, dia voatondro tao amin'izany rehetra izany. Tsy maintsy amphan'izany aho. Eny, tompoko.

Naminany niaraka tamin'i Isaia aho tamin'ny androny.

¹⁷¹ Niaraka tamin'i Jaona aho teo Jordana rehefa nahita an'ilay voromailala nidina teo Aminy izy. Nitsangana niaraka tamin'i Jaona teo Jordana aho.

¹⁷² Nahita Azy nanasitrana ny marary aho; nanangana an'i Lazarosy; nanangana ny zanakavavin'i Jairo hiverina amin'ny fiainana indray, taorian'ny nahafatesany. Nahita an'izany aho.

¹⁷³ Voatondro miaraka Aminy aho tao amin'ny Fahafatesany. Maty niaraka Taminy aho rehefa maty teo Kalvary Izy, ary nitsangana indray niaraka Taminy aho tamin'ny marainan'ny Paska, tao amin'ny herin'ny Fitsanganany. Vavolombelon'izany aho izao hariva izao. Maty niaraka Taminy aho teo Kalvary,

nitsangana niaraka Taminy tamin'ny Paska. Haleloia! Mba ho Ampahany, dia tsy maintsy voatondro miaraka Aminy aho. Voatondro niaraka Taminy aho tao amin'ny Fahafatesany. Voatondro niaraka Taminy aho rehefa nandà Azy ireo anaram-piangonana. Voatondro niaraka Taminy aho rehefa nandroaka Azy niala tao an-tempoly izy ireo, rehefa niezaka nandroaka izy ireo, niala Taminy. Niaraka Taminy aho tany. Niaraka Taminy aho tao amin'ny Fahafatesany, nitsangana niaraka Taminy tao amin'ny fitsanganana.

¹⁷⁴ Ary niaraka tamin'ireo roapolo amby zato aho rehefa niakatra nankao amin'ny efitra ambony izy ireo. Eny, tompoko. Vavolombelon'io rivotra nifofofofo tonga avy tany An-danitra io aho. Niteny tamin'ny fiteny tsy fantatra niaraka tamin'ireo voahosotra aho tamin'ny Andron'ny Pentekosta. Haleloia! Tany aho satria voatondro niaraka Taminy. Voninahitra ho an'Andriamanitra! Marina izany. Nitory teny niaraka tamin'i Petera aho, ao amin'ny Asa 2. Oh, nitory teny niaraka taminy aho tany.

¹⁷⁵ Nitory teny niaraka tamin'i Paoly aho teo amin'ny Mars Hill, teo anatrehan'ny mpitsikera. Eny, tompoko. Tsy maintsy izany aho.

¹⁷⁶ Niaraka tamin'i Jaona aho teo amin'ny Nosin'i Patmo. Nahita an'ilay fahitana ny amin'Ny Fihaviany aho. Izany aho. Izaho—nahita an'i Luther aho. Niaraka taminy aho rehefa tao amin'ny fanavaozana.

Niaraka tamin'i Wesley aho.

¹⁷⁷ Ary ankehitriny dia eto Yuma aho, Arizona. Haleloia! Voatondro aho izao hariva izao, ato amin'ity Stardust Motel ity, miaraka amin'ny vondron'olona iray izay mino an'ilay zavatra iray ihany. "Ary ankehitriny isika dia miara-mipetraka ao amin'ireo toeran-Danitra ao amin'i Kristy Jesosy." Haleloia! Miandry Ny Fihaviany amin'ny voninahitra aho, indray andro any. Voatondro miaraka Aminy!

Velona, nitia ahy Izy; maty, namonjy ahy Izy;
Nalevina, nitondra ny otako lavitra Izy;
Nitsangana, nanamarina ahy maimaimpoana
mandrakizay Izy:
Indray andro any dia ho avy Izy—oh, andro be
voninahitra!

¹⁷⁸ Voatondro ao amin'ny batisan'ny Fanahy Masina aho ankehitriny; tsy zavatra iray eny an-dalambe eto, zavatra iray efapolo taona lasa. Manana azy aho izao ankehitriny izao, ny voninahitra sy ny herin'Andriamanitra, an'ny famelàna ny fahotana. Mahita Azy manasitrana ny marary aho, manokatra an'ireo maso jamba, mahita Azy miteny zavatra mialoha, mamaky ny fon'ny olona. Voatondro miaraka Aminy aho ao

amin'ny Asam-panompoany amin'ity andro ity. Voninahitra ho an'Andriamanitra! Voatondro miaraka Aminy aho, ho an'ny fanafahana ao amin'ity andro farany ity. Matoky aho fa ho ampanhan'io Ampakarina lehibe izay ho tonga io indray andro any.

¹⁷⁹ Tsy mampaninona izay mety ho lazain'izao tontolo izao, afaka miantso antsika izy ireo hoe "adala, adaladala, na Belzeboba, na mpirehidrehi-poana," na inona na inona tian'izy ireo haha-izy azy. Mbola te-ho voatondro miaraka amin'io vondrona io foana aho. Mbola eo foana aho. Mijanona eo aho. Teraka teo aho. Te-hijanona eo aho. Ho eo foana aho, satria Andriamanitra no nametraka ahy teo. Izany aho. Nilaozako ny fiangonako, mba ho tonga hanondro ny tenako miaraka amin'ny andiana holy-rollers iray. Isan'izy ireo aho. Voatondro miaraka amin'izy ireo aho.

Hoy izy ireo hoe, "Billy, nahavery ny sainao ianao."

¹⁸⁰ Angamba nahavery aho, saingy nahita ny sain'i Kristy. Nahita Ny Teniny aho, nahita Ny Fanatrehany, nahita fa Izzy no tsy miova omaly, anio, ary mandrakizay! ...ahoako izay eritreretin'ny olon-kafa mikasika an'izany. Izaho ity. Izaho ilay anankiray izay tsy maintsy manao ny fanondroako. Voatondro miaraka Aminy aho, amin'ny alàlan'ny Tenin'Andriamanitra. Hoy Izzy hoe, "Izao famantarana izao no hanaraka an'ireo izay mino." Faly aho fa voatondro ao amin'izany. Eny, tompoko.

¹⁸¹ Fantatrareo, ilay mpampianatra lokanga antitra, indray mandeha, efa nandre an'ilay tantara ianareeo, nanana lokanga tranainy iray izy ireo ary nataon'izy ireo lavanty izany, te-hivarotra azy izy ireo, nefo tsy nisy olona te-hividy azy. Hoy izy ireo hoe, "Iza no hanome iray dolara? Iza no hanome iray dolara sy sasany?" Farany, "Nandeha indray mandeha, nandeha indroa, dolara iray sy sasany."

¹⁸² Farany dia nivoaka avy tao amin'ny mpanatrika ny lehilahy antitra iray fotsy volo. Fantatrareo ilay tantara. Noraisiny ilay izy, nanao hoe, "Avelao aho haka azy." Nasiany dity iray teo amin'ny fitendreny, ka notendreny fotoana fohy izany. Nanomboka nitomany ny olona. Nanomboka niraraka teo amin'ny tarehin'izy ireo ny ranomaso, tahaka an'izany.

¹⁸³ Ary rehefa nitomany izy ireo, dia naka indray ilay mpanao lavanty, nanao hoe, "Iza no hanao anankiray," hoy izy, "arivo dolara, roa arivo, dimy arivo?"

¹⁸⁴ Inona ilay fahasamihafana? Ilay mpampianatra, ilay anankiray izay nahafantatra azy, ilay anankiray izay nanamboatra azy, izy no nahafantatra hoe ahoana no amoahana an'izay tao anatin.

¹⁸⁵ Ary raha mbola miezaka ny hitondra ny fiangonantsika hivoaka avy ao amin'ireo fanekem-pinoana sy anaram-piangonana foana isika, dia tsy hahavita an'izany mihitsy.

Avelao ilay Mpampianatra Mpanorina ny taranak'olombelona, Izay nanao ny olona araka ny Endrin, Izay manao Ampakarina iray ho Azy ho an'ilay zavatra iray ihany, avelao ny Fitendreny an'ny Fanahy Masina hitendry an'ity Teny ity ao am-ponareo indray mandeha, dia ho ohatra tsara indrindra anareo izany. Tsy mampaninona na goavana toy ny ahoana aza ireo fiangonana andehananareo, ary anarana firy no eo amin'ilay boky, hanao betsaka ho an'i Jesosy Kristy izany mihoatra noho ny fiangonana rehetra, sy anaram-piangonana, sy fanekem-pinoana, sy ireo fiangonan'izao tontolo izao, ary ireo rafi-pandaminana, ao amin'izao tontolo rehetra izao.

¹⁸⁶ Manamboatra Ampakarina iray Izy. Eny, tomoko. Manapaka an'ireo silan-kazo Izy ankehitriny, mandrantsana an'izao tontolo izao hiala. Oh, ny fikambanana amin'ny fiangonana, sy fanekem-pinoana, sy anaram-piangonana, ary dogma, tsy maintsy tapahana miala lavitra an'ilay Fiangonana ny rehetra; ireo heviny ara-pototra, ireo tsy firaharahiany, ireo foto-pampianarany sy ny sisa. Miverena ka aoka ilay Mpampianatra no haka ny fitendrena. Aoka ilay Mpampianatra no haka anareo eny an-Tanany, hitendry ny Teny, hanao hoe, "Jesosy Kristy no tsy miova omaly, anio, ary mandrakizay."

¹⁸⁷ Manaova hoe, "Amena, Tompo. Amboary aho, lasiro aho, amboary aho, Tompo, amin'izay tokony haha-izy ahys." Amin'izay fotoana izay dia hisy zavatra hafa iray.

¹⁸⁸ Amin'izay fotoana izay, "Raha asandratra hiala amin'ny tany Aho, dia hisintona ny olona rehetra hankeo Amiko Aho." Eny, tomoko.

¹⁸⁹ Mandrantsana anareo Izy ankehitriny, mandrantsana anareo ho amin'Ny Teniny irery ihany, mandrantsana an'ireo fanekem-pinoana sy dogma rehetra ary ny zavatra rehetra, hiala aminareo, miezaka ny hahazo Ampakarina iray indray ho an'ilay Zanaka, sangan'asa iray hafa, ampahan'ny Teny. Ny Teny.

¹⁹⁰ Tsy afaka naka an'ilay toerana Jesosy. Tsaroanareo ve rehefa namaky tao amin'ilay boky izy ireo? Namaky ny ampahan'ilay faminaniana fotsiny Izy, navelany ny sisa tamin'izany ho an'ny andro farany. Isika no nataeo haka an'io ampahany io.

¹⁹¹ Noho izany, hitanareo, nandrantsana Izy, te-handrantsana an'ilay Fiangonana, tahaka ny Nanaovany an'ilay Zanaka mihitsy, tahaka ny Nanaovany ny Ampakarina sy ny Mpampakatra. Mba ho Ny Ampakariny, dia tsy maintsy Ampahany ianareo. Tsy ampahan'ny fanekem-pinoana, tsy ampahan'ny fiangonana, tsy ampahan'ny anaram-piangonana, fa Ampahany. Voakapa amin'ny karazana endrika hafa rehetra, tsy hety izany. Tsy maintsy voakapa avy amin'ny Teny ianareo. Nesorina niala taminareo izao tontolo izao, ary mamela ny Teny irery fotsiny ho velona ao anatinareo.

¹⁹² Miantehitra aminareo ilay Mpao sokitra lehibe, maniry ny hitsangana ka hanao ny tenanareo ho voarantsana hitovy amin'ny Fitakiany izay takian'Ny Teniny. "Amin'ny andro farany no Handatsahako Ny Fanahiko amin'ny nofo rehetra. Ny zanakalahinareo sy ny zanakavavinareo haminany." Kristy no Sangan'asa voatondro an'ny Teny tonga nofo. Nangatahana ianareo mba hanondro ny tenanareo ao Aminy, amin'ny alàlan'ny Teny iray ihany, mba ho sangan'asa ho an'ny Ampakarina.

¹⁹³ Ankehitriny, ry rahalahy, nanana sangan'asa iray Andriamanitra tamin'izany, mba haseho amin'izao tontolo izao, ankehitriny dia mila sangan'asa iray Izy amin'izao andro izao. Manaiky ve ianareo? Vonona ve ianareo, ry sakaizako Kristiana? Mahazo antoka marina tokoa ve ianareo fa tena mitaratra ho an'i Kristy ny fainanareo, tsy mampaninona izay lazain'izao tontolo izao. Hoy izy ireo hoe, "Verinareo ny sainareo. Lasa adala ianareo. Lasa ianareo ka nikambana tamin'io andiana holy-rollers io." Aza miraharaha an'izany ianareo.

¹⁹⁴ Raha tsy voavonjy marina tokoa ianareo, ka ao amin'io Vatana io, ary ny Tenin'Andriamanitra tsy ao anatinareo ka mampitaratra ny Tenany, ary ny Fiainan'i Kristy tsy mitaratra avy ao aminareo; rahalahy, ranabavy, aza maka an'izany anjara izany ianareo. Tsy ahoako na inona ianareo, karazana fahatsapana inona no anananareo, avelao ity Teny ity hitaratra amin'ny alàlanareo isan'andro, satria Andriamanitra, amin'izao andro farany izao, dia eo ampakana Ampakarina iray ho an'Ny Zanany, Jesosy Kristy.

Ndao isika hanondrika ny lohantsika.

¹⁹⁵ Ray any An-danitra Malala, fomba henjana iray tahaka an'izany eo anatrehan'ny andian'olona mahay iray. Ny fianarako dia am...tsy ampy, Tompo. Mivavaka aho mba ilay Fanahy Masina lehibe no handentika an'ireo teny ireo ao am-pon'ny olona, mba hahitan'izy ireo an'izay tiako nolazaina, raha tsy afaka nahazo ny fomba fandrantsanako zavatra izy ireo, Tompo. Fa, ao am-poko, izaho—hitako fa Ianao dia—izay Ezahanao hatao.

¹⁹⁶ Mino aho, Ray, fa tsy maintsy ampahan'ny Mpampakatra ny Ampakarina. Tsy maintsy mitovy amin'ilay Mpampakatra izy, satria Ampahany. Tsy afaka mihitsy izy, tsy ho Ny Ampakariny mihitsy raha tsy lasa Ampahany. Ary ampahan'ny Teny izany, amin'izao andro izao, izay milaza fa Izy no tsy miova omaly, anio, ary mandrakizay.

¹⁹⁷ Ilay voam-bary izay velona indray mandeha tao amin'ny tany, ary nilatsaka tamin'ny tany, dia niakatra hitovy amin'ilay voa izay nandeha nankao amin'ny tany. Ary, Tompo, tamin'ny Andron'ny Pentekosta dia nipoitra ny Fiagonana lehibe iray.

Tonga ny voam-bary hafa iray, mba ho lasa Mpampakatra iray sy Ampakarina iray ho an'ny andro farany.

¹⁹⁸ Hitanay, nilatsaka izany, ho Azy, nandrity ny arivo taona. Nanomboka tamin'ny favoriamben'i Nise, dia nandry lò tao anatin'ny tany izany.

¹⁹⁹ Ireo mpitsikera dia nanoratra an'ilay boky hoe, *Ilay Andriamanitra Mangina*, "Izay namela an'ireo ankizy kely ho faty, ary novonoin'ny liona, ka nodorana. Ary ireo gladiatera nanao maritiora an'ireo Kristiana, ka nandoro azy ireo teo amin'ny tsato-kazo." Raha nanana fahazoana ara-panahy fotsiny mantsy io lehilahy io!

²⁰⁰ Tsy maintsy lò tao anatin'ny tany io vary io, saingy nipoitra indray izany, tsy nitovy tamin'ilay nandeha nidina. Nandeha nidina izy nitovy tamin'ny voam-bary iray, fa, rehefa nipoitra izy, dia nanana ravim-bero vitsivitsy, tahaka ny vary tanora izay mivoaka.

²⁰¹ Farany dia nitombo izany, avy tamin'i Luther nankany amin'i Zwingli, ary nitohy nidina, ka farany dia tonga nankao amin'ny salohy iray. Nanova ny tenany izy tamin'ny andron'i Wesley. Toa mitovy kely kokoa tahaka ny vary, ary mitovy amin'izany kokoa noho ny ravim-bero. Miverina amin'ny tenany indray izy.

²⁰² Avy eo dia hitanay, miakatra izy, voa iray, toa saiky mitovy amin'ilay anankiray tena izy. Ary raha hidina fotsiny ianareo ka hanala an'ilay akofa, dia hahita ianareo. Io voam-bary voalohany io dia tsy manana voa ao anatiny, mihitsy. Akofa iray izany, ravina iray. Tompo, ilay fifohazana Pentekotista lehibe izay niseho, tsy maintsy tahaka an'izany ilay izy, Tompo, mba hiaro an'ilay Voa rehefa tena tonga izy. Tsy nisy toerana Handehanany.

²⁰³ Ankehitriny, Ray, fantatray fa mandray ny zavatra rehetra araka ny natiora izahay, satria Ianao no nanao ny natiora. Nanavotra ny tany Ianao: tamin'ny Nanaovanao batisa azy, tamin'ny andron'i Noa, taorian'ny toriteniny; Nararakao teo ambonin'ny tany ny Ràn'ny Zanaka, mba hanamasina azy ho an'ny Tenanao; ary ao amin'ilay taona lehibe izay ho avy, ao amin'ilay fanavaozana, dia handoro azy amin'ny afo Ianao, mba handoro an'ireo zavatr'izao tontolo izao rehetra hiala. Tahaka ny Ataonao amin'ny Kristiana, mamonjy azy Ianao: manao batisa azy; manamasina azy; avy eo dia manova an'izao tontolo izao manomboka aminy, ary mitaky azy avy eo ho Anao manokana, amin'ny fametrahana ny Fanahy Masina ao anatiny.

²⁰⁴ Fantatray fa io vary io dia tonga amin'ny alàlan'ilay dingana iray ihany. Ny natiora rehetra dia miasa tahaka an'izany. Ankehitriny, Tompo, rehefa mahita an'ilay akofa miendaka amin'ilay Voa izahay ankehitriny, lasa arak'izao tontolo izao, O Andriamanitra, ekeo ireo voa ireo mba ho... Ilay—tsy maintsy miendaka ilay akofa, mba ahafahan'ilay voa hiditra

ao amin'ny Fanatrehan'ny Zanaka. Reko ny fahatongavan'ilay milina, Tompo. Tsy ho ela intsony izany. Ary amin'izay fotoana izay ilay milina mampiakatra lehibe dia hampakatra Ny Ampakariny hankao amin'ny voninahitra, ao amin'ny Fanatrehan'Andriamanitra.

²⁰⁵ Mivavaka aho, Ray, mba Hitahianao ny tsirairay avy aminay. Aoka izahay hahatsiaro, Tompo, fa izao no fanararaotranay. Mety tsy hanana anankiray izahay rahampitso. Anio no fanararaotranay. "Anio, taorian'ny fotoana ela be, rehefa mandre Ny Feony ianareo, dia aza manamafy ny fonareo." Tompo Andriamanitra, tsy fantatro ireto olona ireto. Raha misy anankiray eto, tsy manana an'izany, dia ekeo izao hariva izao mba handraisan'izy ireo ny fahafenoan'Andriamanitra, ka ho feno ny Fanahy Masina. Ekeo izany, Ray.

²⁰⁶ Ankehitriny miaraka amin'ny lohantsika miondrika, ny fontsika miondrika, ihany koa. Ry sakaiza, mamelà ny fombako izay anapahako ny hafatiro. Izaho—mivavaka aho mba hanehoan'Andriamanitra aminareo fotsiny an'izay tiako lazaina. Ankehitriny, raha... Tsy tiako hisy olona iray hijery. Hazony miondrika fotsiny ny lohanareo. Tsy tiako. Na iza na iza ianareo, raha tsy mahazo antoka ianareo fa ny fiainanareo...

²⁰⁷ Ankehitriny, hitanareo, ny tsirairay avy amin'ireo dingana ireo, inona no nataon'izy ireo? Niditra nankao amin'ny rafi-pandaminana iray izy ireo. Inona no nataon'Izany? Niala ny Fanahy, nankany amin'ny iray hafa. Vantany vao nandrafitra i Luther; dia nandeha avy hatrany nankao amin'i Wesley Izany. Nandrafitra i Wesley; nandeha avy hatrany nankao amin'ny Pentekosta Izany. Nandrafitra ny Pentekosta; aiza no Alehany? Tahaka an'ilay Andry Afo mihitsy, manohy mandeha fotsiny.

²⁰⁸ Ary ny olona sasany, hoy izy ireo hoe, "Pentekotista aho." Mahafinaritra izany. "Loterana aho." Mety tsara izany. Tsy misy na inona na inona manohitra an'izany.

²⁰⁹ Saingy, ry sakaiza, ry sakaiza, mbola manohy mandeha foana ilay Vary. Efa nanana ny iray tamin'ireo fifohazana lehibe indrindra isika. Izany dia—naharitra ela izany. Ny tantara dia maneho fa maharitra eo amin'ny telo taona fotsiny ihany ny fifohazana iray. Ity anankiray ity dia efa dimy ambin'ny folo taona, na mihoatra, asam-pitoriana lehibe an'ny fanasitranana, saingy miha-mangatsiaka izy ankehitriny. Jereo! Ny fifohazana tsirairay dia mamokatra rafi-pandaminana iray foana aoriany. Nahoana ity anankiray ity no tsy namokatra? Misy vondron-drahalahy kely iray nanomboka, teto tany ho any, nantsoina hoe Fara-Orana, tsy lasa na taiza na taiza izy ireo; nilatsaka avy hatrany. Nahoana? Izany ilay taonan'ny Vary, ry sakaiza. Izany ilay Vary. Misy asam-panompoana iray eto an-tany izay mitovy mihitsy amin'ilay anankiray izay nandeha nankao

amin'ny tany fahiny tany amin'ny fiandohana, tena fahatsapana pentekotista iray.

²¹⁰ Lasa voarafitra ireo fiangonana. Ary ny anankiray miezaka hanorina goavana kokoa noho ilay hafa, ary manana mambra betsaka kokoa sy ny sisa, ireo rafi-pandaminana, tsikelikely. Hitantsika izany. Pentekotista aho. Hitantsika mihataka izany. Fa inona? Tsy maintsy manao an'izany izy, mba ny—ahafahan'ny Zanaka hahazo an'ilay Voa. Raha tsy teo izany, voalohany, raha tsy nisy akofa nanodidina azy, dia tsy nanana toerana haleha izy. Nanao akofa iray ho azy Andriamanitra, hitanareo, tahaka ny katsaka, tahaka ny vary, tahaka ny zavatra hafa rehetra izay mivoaka avy ao amin'ny fonosana. Ankehitriny, hitanareo, tsy nisy rafi-pandaminana mihitsy nanomboka taorian'ity. Nahoana? Tsy misy fotoana ho an'ny anankiray intsony. Eo amin'ny farany isika.

²¹¹ Ary raha tsy eo amin'izay tokony hisy anareo marina tokoa ianareo, ka hoy ianareo hoe, "Rahalahy Branham, raha mihaino ny vavakao ho an'ny marary Andriamanitra, ary efa reko izay nataon'ny Tompo ho valin'ny vavaka..." Ary efa nandre an'ireo olona hafa eto amin'izao tontolo izao ianareo amin'izao andro izao, mivavaka. Hoy ianareo hoe, "Izaho... Hivavaka ho ahy ve ianao, mba handraisako an'izany fahatsapana izany, Rahalahy Branham? Mety tsy hahita anao intsony indray aho." Mety tsy hahita anareo intsony aho. "Fa mivavaha mba ho any aho. Tsy mahatsapa fotsiny toy ny hoe ho any aho ankehitriny. Fa tiako ianao hivavaka ho ahy, mba ho any aho."

²¹² Ankehitriny, ny loha tsirairay miondrika. Atsangano ny tànanareo, sitrakareo ve? Ny Tompo hitahy anao, hitahy anao, ary ianao. Andriamanitra hitahy anao. Ao amin'ity vondron'olona ity, heveriko, dimampolo, angamba, na tànana dimy amby fitopolo no nitsangana.

²¹³ Ankehitriny, Jesosy Malala, Ianao no mpitsara. Mpitoriteny fotsiny izahay. Mivavaka aho, Andriamanitra Malala. Ary—ary raha mahita fitia eo Imasonao aho, dia valio ny fivavako. Hitanao ny tànana tsirairay izay nitsangana. Fantatrao izay ao am-pon'izy ireo. Mino izahay fa voalahatra ho amin'ny Fiainana izy ireo. Ary Satana, tahaka ny tamin'ny andron'i Adama mihitsy, miezaka misakana an'io sangan'asa io tsy hipoitra izy. Enga anie hijanona izany izao hariva izao. Enga anie ny Ràn'i Jesosy Kristy hanakana an'izany, ary enga anie izy ireo hipoitra ho sangan'asa iray ho an'Andriamanitra. Ekeo izany, Ray.

²¹⁴ Enga anie izy ireo ho voatondro ao amin'ny Tenin'i Kristy. Hoy Izy hoe, "Raha tsy ateraka indray ny olona..." Enga anie izy ireo handray an'io fahatsapan'ny nateraka indray io. Enga anie izy ireo handray ny batisan'ny Fanahy Masina, ilay fanavaozana ny zavatra rehetra an'izao tontolo izao. Tsy mila an'izany intsony izy ireo, Tompo. Diovy hiala amin'izy ireo io

izao tontolo izao io, ka apetraho eo izy ireo ho sangan'asa iray eo anatrehan'ny olona. Ekeo izany, Tompo, mba hahatonga Anao ho faly ao amin'ity taonan'ny fotoan'ny saha amin'ny andro farany eto ity, mba hampisehoana ny Sangan'asanao avy amin'ireto lehilahy sy vehivavy ireto, zazalahy sy zazavavy, izay nanangana ny tànany. Ekeo izany, Tompo.

²¹⁵ Tahiō ity fifohazana izay miseho eto amin'ny tanàna ity. O Andriamanitra, mivavaka aho mba ny lehilahy sy ny vehivavy tsirairay, izay manodidina akaiky, hitsidika an'ity fifohazana ity. Ary enga anie ny tsirairay avy amin'izy ireo ho feno ny Fanahy Masina, ka enga anie hisy fifohazana amin'ny fanao fahiny iray hitety an'ity tanàna kely eto ity, hany ka ho tonga avy hatraiza hatraiza ny olona. Ekeo izany, Tompo. Omeo anay ireo zavatra ireo, Ray, fa mangataka azy ireo amin'ny Anaran'i Jesosy izahay. Amena.

²¹⁶ Tiako Izzy. Tiako Izzy. Tianareo ve Izzy? Fantatrareo, hoy i Paoly hoe, "Raha mihira aho, dia mihira ao amin'ny Fanahy." Manontany aho. Lavitry ny maha-mpihira iray aho. Fa manontany fotosiny, miaraka, raha afaka hanomboka an'ity hira ity isika, *Tiako Izzy*. Hanome anay ny naoty ve ianao, ranabavy? "Satria nitia ahy mialoha Izzy." Efa nandre an'izany ianareo. Firy no mahafantatra an'izany? Aoka ho hita ny... Izany no iray amin'ireo hirako fahiny. Tiako ny mihira azy. Eny àry.

²¹⁷ Ankehitriny dia ndao isika hanondrika ny lohantsika sy hanakimpy ny masontsika, ka hihira ankehitriny, *Tiako Izzy*.

Tiako Izzy, tiako Izzy
Satria nitia ahy mialoha Izzy
Ka nividy ny famonjeko
Teo amin'ny hazon'i Kalvary.

²¹⁸ Ndao isika hisamonomonona an'izany. Indray andro any dia hamakivaky ny lanitra ireo avana. Hisy trompetra ho tsofina. Hitsangana ny maty ao amin'i Kristy. Oh, toy ny ahoana no hilantsika an'Izany amin'izay fotoana izay!

Ka nividy ny famonjeko
Teo Kalvary.

²¹⁹ Eo no hahatonga Azy ho Sangan'asa ho antsika.

²²⁰ Tsarovy fotosiny, ireo sangan'asa rehetra, alohan'ny hany ahafahan'izy ireo hapetraka ao amin'ny efity ny laza, dia tsy maintsy mandalo ny efity ny mpitsikerany izy ireo, aloha. Tsy maintsy mijery ireo mpitsikera raha afaka mitsikera azy izy ireo. Fa rehefa mahatanty an'ireo mpitsikera izy, amin'izay fotoana izay vao entina mankao amin'ny efity ny laza. Ny Zanak'Andriamanitra dia nandalo an'ireo mpitsikeran'ny rafipandaminana tsirairay, anaram-piangonana, hany ka nilaza mihitsy aza i Pilato hoe, "Tsy mahita fahadisoana aminy aho." Hoy Jodasy hoe, "Namadika Rà tsy manan-tsiny aho."

²²¹ Tamin'izay fotoana izay vao nanangana Azy Andriamanitra, ka mihantona ao amin'ilay efitry ny laza lehibe Izy androany, eo an-tànana ankavanan'Andriamanitra, manao fanelanelanana. Tsy te-hikambana Aminy ve ianareo any? Tsy te-ho ampanahanzany ve ianareo? Afaka ho izany ianareo. Asaina ho izany ianareo. Raha mbola mihira an'izany hira izany isika, dia nahoana no tsy resahanareo Aminy fotsiny izany ankehitriny.

...nitia ahy mialoha
Ka nividy ny famonjeko
Teo amin'ny hazon'i Kalvary.

²²² Raha mbola mihira an'izany indray isika, dia tiako ianareo handray tànana ny olona eo am-pitan'ny latabatra avy eo aminareo ankehitriny. Manao hoe, "Andriamanitra hitahy anao, ry sakaiwa Kristiana. Andriamanitra hitahy anao. Mivavaha ho ahy." Ny tsirairay avy aminareo manaova an'izany ankehitriny, raha mihira an'izany indray isika.

Tiako... (Mivavaha ho ahy. Mivavaha ho ahy) ...
tiako Izy
Satria Izy...

²²³ Marina izany, mifandraisa tànana, manaova hoe, "Mivavaha ho ahy." Ianareo rehetra mivavaha ho ahy. Izaho te-ho any, mafy mihitsy.

Ka nividy ny famonjeko
Teo amin'ny hazon'i Kalvary.

²²⁴ Ankehitriny dia ndao isika hanondrika ny lohantsika sy hanakimpny masontsika, ary hanangana ny tànantsika ka hihira an'izany ho Azy ankehitriny.

Izaho... (O Andriamanitra!) Tiako Izy
Satria nitia ahy mialoha Izy
Ka nividy ny famonjeko
Teo Kalvary.

Jereo ny Sangan'asanareo mihantona eo.

²²⁵ Ry Mpanao sokitra lehibe, Andriamanitra lehibe Izay nanao ny olona, ary nandasitra azy ka nanamboatra azy araka ny Endrikao manokana, mivavaka Aminao aho, Tompo, mba Handraisanao anay izao hariva izao. Enga anie ity ho harivampahatsiarovana iray, tena ho tsaroana ho anay, hoe, izao hariva izao, Tompo, izao hariva izao, ato amin'ny Stardust Motel mihitsy, enga anie Ianao handasitra olona ho araka ny endrik'ireo zanak'Andriamanitra. Ekeo izany, Tompo. Ry Mpanao sokitra lehibe, Ianao no hany Tokana afaka manao an'izany. Raiso Ny Teniniao, Tompo, lasiro ao am-ponay rehetra mihitsy Izany, mba ahafahanay ho Sangan'asanao amin'ny andro farany, ka hantsoina hoe ny Ampakarin'i Kristy. Enga

anie ny olona hafa hahita fa misy izany zava-misy izany ary izany fifaliana miaina ho Azy izany.

²²⁶ Tompo, ity andro ity, izay na dia ireo fiangonanay aza, mahavery ny fahatsoram-pony izy ireo. Izy ireo tsy... Toy ny hoe misy, ny rehetra dia lasa Hollywood, Tompo, inona no mitranga? Izy ireo dia lasa manaraka ma—mamiratra iray raha tokony manjelatra iray. Fantatray fa izao tontolo izao dia mamiratra amin'ny maha-izao tontolo izao. Fa ny Filazantsara dia manjelatra amin'ny fitiavana sy amin'i Kristy. Ekeo, Tompo, mba hialanay lavitra amin'ny famiratan'izao tontolo izao, ka hiditra ao amin'ny fanjelaran'i Kristy.

²²⁷ Anao izy ireo, Tompo. Ianao no nividy azy ireo. Ianao... Nanangana ny tànany izy ireo, izao hariva izao, te-ho izany izy ireo. Ankehitriny, Ray, izaho... Raha vitako, dia ho nataoko ho izany izy ireo, saingy tsy vitako. Fa matoky Anao aho. Hoy Ianao hoe, "Izay manatona Ahy dia tsy ho Laviko mihintsy. Izay mandre Ny Teniko ka mino Izay naniraka Ahy, no manana Fiainana mandrakizay, ary tsy ho tonga amin'ny Fitsarana," tsy mody-mino ankehitriny, Tompo, fa mino, "efa tafafindra avy tamin'ny fahafatesana ho amin'ny Fiainana izy." Ekeo izany, Ray. Anao izy ireo, amin'ny alàlan'ny Anaran'i Jesosy Kristy. Amena.

²²⁸ Tianareo ve Izy? Tsy mahafinaritra ve Izy?

²²⁹ Omeo anay ilay feon-kira kely, na bàn-kira eo, ranabavy, *Mahafinaritra*, *Mahafinaritra*.

Tia mihra ve ianareo? Miresaka ela loatra ve aho?

²³⁰ Tiako ny manompo. Ary ianareo? Ny Hafatra kely, mandrantsana tahaka an'izao, izaho tsy... Fantatrareo, halako ny mandrantsana. Saingy, ianareo, tsy maintsy afaingokareeo ny fantsika iray, mba hanao azy hihazona. Fantatrapa izay tiako lazaina. Hia. Tsy maintsy alentikareeo ilay izy ankehitriny. Ary hitanareo?

²³¹ Tianareo ve izany hira izany? "Mahafinaritra, mahafinaritra, Jesosy amiko." Fantatrareo ve izany?

Mahafinaritra, mahafinaritra, Jesosy amiko,
Mpanolo-tsaina, Andrian'ny Fiadanana,
Andriamanitra Mahery Izy;
Mamonjy ahy, miaro ahy amin'ny fahotana sy
henatra rehetra,
Mahafinaritra ny Mpanavotra ahy, deraina Ny
Anarany!

Very aho fahiny, hita aho ankehitriny, afaka
tamin'ny fanamelohana,
Manome fahafahana sy famonjena feno Jesosy;

Mamony ahy, miaro ahy amin'ny fahotana sy
 henatra rehetra,
 Mahafinaritra ny Mpanavotra ahy, deraina Ny
 Anarany!

Ny olona rehetra!

Mahafinaritra, mahafinaritra, Jesosy amiko,
 Mpanolo-tsaina, Andrian'ny Fiadanana,
 Andriamanitra Mahery Izzy;
 Mamony ahy, miaro ahy amin'ny fahotana sy
 henatra rehetra,
 Mahafinaritra ny Mpanavotra ahy, deraina Ny
 Anarany!

²³² Ankehitriny dia ndao isika hanao hoe, “Deraina ny Tompo!”
 “Deraina ny Tompo!” Tsy mahatsapa ho voakosoka ve ianareo?
 Mahatsapa ho tsara? Tompoy ny Tompo. Mahafinaritra Izzy.

²³³ Andriamanitra hitahy anareo mandra-pihaonako indray.
 Haveriko amin'ny rahalahy ny fotoana ankehitriny, ny filoha. 

ILAY SANGAN'ASA VOATONDRO AN'ANDRIAMANITRA MAG64-1205
(The Identified Masterpiece Of God)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy hariva, 5 Desambra, 1964, ho an'ny fanasan'ny Full Gospel Business Men's Fellowship International tao amin'ny Stardust Motel ao Yuma, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org